

詩林韶濩

八

卷十九
卷二十



詩林韶蘗卷第十九目錄

長洲顧嗣立

釋道

唐

奉和九月九日登慈恩寺浮圖應制 李嶠

幸白鹿觀應制 李嶠

送沙門弘景道俊立裝還荊州應制 李嶠

奉和幸三會寺應制 李嶠

奉和幸大薦福寺應制 李嶠

奉和聖製同皇太子翫遊慈恩寺應制 沈佺期

詩林韶蘗第十九目錄

幸白鹿觀應制 沈佺期

從幸香山寺應制 沈佺期

奉和九月九日登慈恩寺浮圖應制 宋之問

奉和聖製閏九月九日登莊嚴總持二寺閣 宋之問

幸少林寺應制 宋之問

幸岳寺應制 宋之問

奉和幸大薦福寺 宋之問

薦福寺應制 宋之問

奉和寺三會寺應 宋之問

宋之問



和九月九日登慈恩寺浮圖應制

李 又

閏九月九日幸總持寺登浮圖應制

李 又

幸白鹿觀應制

李 又

送沙門弘景道俊立裝還荊州應制

李 又

奉和幸三會寺應制

李 又

奉和幸大薦福寺

李 又

幸白鹿觀應制

崔 湜

慈恩寺九日應制

崔 湜

奉和九日登慈恩寺浮圖應制

李 適

奉和九月九日登慈恩寺浮圖應制

鄭 愔

蘇轍卷第十九 目錄

二

奉和幸三會寺應制

鄭 愔

奉和幸大薦福寺

鄭 愔

奉和九月九日登慈恩寺浮圖應制

馬懷素

奉和幸白鹿觀應制

武平一

奉和九月九日聖製登慈恩寺浮圖應制

劉 憲

閏九月九日幸總持寺登浮圖應制

劉 憲

幸白鹿觀應制

徐彥伯

奉和九月九日登慈恩寺浮圖應制

盧藏用

奉和九月九日登慈恩寺浮圖應制

趙彥昭

奉和幸白甕觀應制

趙彥昭

奉和幸大薦福寺

趙彥昭

奉和九月九日登慈恩寺浮圖應制

崔日用

奉和九月九日登慈恩寺浮圖應制

岑羲

奉和九月九日登慈恩寺浮圖應制

李迥秀

奉和九月九日登慈恩寺浮圖應制

蕭至忠

奉和九月九日登慈恩寺浮圖應制

辛替否

奉和九月九日登慈恩寺浮圖應制

樊忱

奉和九月九日登慈恩寺浮圖應制

孫佺

奉和九月九日登慈恩寺浮圖應制

王景

詩林麗藻卷第九 目錄

奉和九月九日登慈恩寺浮圖應制

周利用

奉和九月九日登慈恩寺浮圖應制

張景源

奉和九月九日登慈恩寺浮圖應制

楊庶

奉和九月九日登慈恩寺浮圖應制

畢乾泰

奉和九月九日登慈恩寺浮圖應制

李恒

奉和聖製幸白鹿觀應制

張說

奉和同皇太子過慈恩寺應制二首

一作荷

恩寺應制二首

張說

道家四首奉敕撰

張說

奉和聖製經河上公廟應制

張說

幸白鹿觀應制

蘇頲

奉和聖製經河上公廟應制

蘇頲

奉和聖製經河上公廟應制

張九齡

奉和聖製慶元皇帝玉像之作應制

王維

登玄元廟

皇甫冉

晚秋陪崔閣老張祕監閣老苗考功同遊昊天觀時楊

閣老新直未滿以詩見寄斐然酬和有愧蕪音

權德輿

奉和杜相公太清宮紀事陳誠上李相公十六韻

韓愈

詩林韻藻卷九

目錄

四

供奉定法師歸安南

楊巨源

廣宣上人以應制詩見示因以贈之詔許上人居安國

寺紅樓院以詩供奉

白居易

贈供奉僧次融

姚合

臘後送內大德從勗遊天台

皮日休

和臘後送內大德從勗遊天台

陸龜蒙

奉和聖製幸嶽寺

吳融

駕幸天長寺應制

釋廣宣

寺中柿樹一葉四顆詠應制

釋廣宣

駕幸普救寺應制

釋廣宣

紅樓院應制

釋廣宣

再入道場紀事應制

釋廣宣

安國寺隨駕幸興唐觀應制

釋廣宣

禁中法會應制

釋廣宣

寺中賞花應制

釋廣宣

駕幸三會寺應制

上官昭容

宋

譯經光梵大師

楊億

致齋太一宮

楊億

致齋太一宮

錢惟演

詩林韻藻卷第九

目錄

致齋太一宮

劉筠

譯經光梵大師

劉筠

太清宮燒香

歐陽修

奉敕祭西太一和韓用韻四首

蘇軾

次韻韓川奉祀西太一宮四首

黃庭堅

依韻和吳相公從駕至開寶寺慶壽崇因閣

王珪

立春奉祠太一

黃裳

冬祀太一六言四首

范成大

十一月十八日蒙恩再領沖佑鄰里來賀謝以長句

金

上清宮

李汾

步虛詞三首

元好問

元

送張真人赴名祈雨南歸

程鉅夫

次韻王寅甫侍讀在醮長春宮

袁桷

送吳宗師南祀歸二首

鄧文原

都中送元傑道士南歸

鄧文原

贈趙鍊師奉祀南海會稽

鄧文原

蘇韻藻卷第九 目錄

六

宗陽宮望月分韻得聲字

楊載

送王尊師祀武當山

黃潛

同張伯雨過

一作送

凝神菴因觀宋高宗所賜蒲衣道士

張達道白羽扇

薩都刺

送張真人代祀武當龍虎兩山追賦

陳旅

送李盤中真人代祀江南三名山

陳旅

次韻許可用參政從幸承天護聖寺是日陞左丞

吳師道

送道士張宗嶽奉賀正旦表朝京竣事還龍虎山

葛邏祿迺賢

奉蹟張真人觀回行卷後二首

張伯遠

頭張真人觀回行卷後

倪太初

崇真宮醮罷敕畫吳宗師像

貢師泰

廣徽天師祈雪有應詩以美之

貢師泰

送學無遇長老歸江南

成廷珪

和吳宗師灤京詩

朱德潤

送天使僧

張昱

送薛鶴齋真人代祀天妃還京

王逢

顛天重寺朝元閣

吉雅謨丁

至大三年代祀茅山宿玉晨觀

吳全節

詩林韻藻卷第九

目錄

七

六月十六日早朝偶成八句寄山中諸友

吳全節

獲玉印

并序

吳全節

冲佑萬年宮

吳全節

延祐元年五月重祀茅山瑞鶴詩二首

并序

吳全節

上京賜宴王君叟有詩次韻

張雨

明

吳僧日章講師赴召修蔣山普度佛事既罷東歸送別

二首

高啓

駕幸朝天宮祭星之作

李 紳

至前二日朝天宮習儀

楊 慎

西清詞四首

黃 佐

冬日過朝天宮

袁 燾

君從

徐 渭

十月四日奉天門進應制獻佛樂章

釋宗勣

奉和御賜詩韻三首

釋來復

主上於奉天門賜坐焚香供茶予就賜齋間以宗門文

意首以靈山付屬繼以迦葉感化為對喜賦詩以獻

釋來復

蘇轍卷第九 目錄

八

寄北禪佑講主洪武初應高僧名

釋來復

御賜圓通禪寺後以詩寄善世全室

釋來復

頤鍾山新寺後二日欽蒙聖製和章感遇之餘謹再用

韻賦三首

釋來復

車駕臨蔣山於崇禧寺賜高僧齋議設無遮會謾成口

號二首

釋來復

同朝天宮道士朝回口號二首

釋來復

靈谷寺法會應制

釋守仁

正月十五鍾山書事并簡陶禮部

釋守仁

十七日謝恩奉天門

釋守仁



鍾山法會詩

釋裴儔

齋戒

長洲顧詞立 伏君

釋道 奉表

奉迎佛月九日登慈恩寺浮圖應制

禮佛

唐李

瑞塔千尋送佛興九日來葭房陳寶席菊蕊散花臺御氣飄
近升高風諭鬼天歌將梵樂空裏共裴徊

水燈

駐蹕三表迎駕

威金方和御製山居詩

釋弘道

詩林苑卷第九 目錄

吟贈鍾山呂岳

九

寶箴

木抄

齋單

瓢

瓢

奉束

齋

齋

鍾山法會詩奉天門

釋裴儔

詩林韶濩卷第十九

長洲顧 嗣立 俠君 類選

釋道

奉和九月九日登慈恩寺浮圖應制

唐李嶠

瑞塔千尋起仙輿九日來
萸房陳寶席菊蕊散花臺
御氣鵬霄近升高鳳野
開天歌將梵樂空裏共裴徊

幸白鹿觀應制

李嶠

駐蹕三天路迴旃萬仞
綵真庭羣帝饗洞府百靈棲
玉酒仙壇釀金方暗壁
題佇看青鳥入還陟紫雲梯

詩林韶濩卷第十九 釋道

送沙門弘景道俊玄奘還荊州應制

李嶠

三乘歸淨域萬騎餞通莊
就日離亭近彌天別路長
荆南旋杖鉢渭北限津梁
何日紆真果還來入帝鄉

奉和辛三會寺應制

寺傳云蒼頡造書臺

李嶠

故臺蒼頡里新邑紫泉居
地在開金寺時來降玉輿
龍形雖糾鳥跡尚留書
竹是蒸青外池仍點墨
餘天文光聖草寶思真如
謬奉千齡日欣陪十地初

奉和幸大薦福寺應制

寺即中宗舊宅

李嶠

雁沼開香域鸚林降綵旃
還窺圖鳳宇更坐躍龍川
桂舉朝羣辟蘭宮列四禪
半空銀閣斷分砌寶繩連
甘雨蘇一作譙澤羣

雲動沛篇獨慙賢作礪空喜福成田

奉和聖製同皇太子骭遊慈恩寺應制

沈佺期

肅肅蓮花界熒熒貝葉宮金人來夢裏白馬出城中湧塔初
地焚香欲遍空天歌應春籥非是爲秋風

幸白鹿觀應制

沈佺期

紫鳳真人府一作劫斑龍太上家天流芝蓋下山轉桂旗一作旆

聖藻垂寒露仙杯落晚霞唯應問王母桃作幾時花

從幸香山寺應制

沈佺期

南山奕奕通丹禁北闕峩峩連翠雲嶺上樓臺千地起城中

蘇韶叢書第五 釋道

二

鼓四天聞旃檀曉閣金輿度鸚鵡晴林采牦分願以醍醐參聖
酒還將祇苑當秋汾

奉和九月九日登慈恩寺浮圖應制

宋之問

鳳刹侵雲半虹旌倚日邊散花多寶塔張樂布金田時菊芳
醞秋蘭動睿篇香街稍欲晚清蹕扈歸天

奉和聖製閏九月九日登莊嚴總持二寺閣

宋之問

閏月再重陽仙輿歷寶坊帝歌雲稍白御酒菊猶黃風鐸喧行
漏天花拂舞行豫遊多景福梵宇日生光

幸少林寺應制

宋之問

紺宇橫天室迴鑿指帝休睇陰迎日盡春氣抱巖流空樂舞行
漏香煙薄綵旂玉膏從此泛仙馭接浮丘

幸岳寺應制

宋之問

暫幸珠筵地俱憐石瀨清泛流張翠幕拂迴挂紅旌雅曲龍調
管芳鶴蟻泛觥陪歡玉座晚復得聽金聲

奉和幸大薦福寺

宋之問

香刹中天起宸遊滿路輝乘龍太子去駕象法王歸殿飾金人
影窗搖玉女扉稍迷新草木遍識舊庭闈水入禪心定雲從寶
思飛欲知皇劫遠初拂六銖衣

薦福寺應制

宋之問

詩經卷第十九 釋道

三

梵筵光聖邸遊豫覽宏規不改靈光殿因開功德池蓮生新步
葉桂長昔攀枝湧塔庭中見飛樓海上移聞韶三月幸觀象七
星危欲識龍歸處朝朝雲氣隨

奉和幸三會寺應制

宋之問

六飛迴玉輦雙樹謁金仙瑞鳥呈書字神龍吐浴泉淨心遙誦
果睿想獨超禪塔湧香花地山圍日月天梵音迎漏一作徹空

樂倚雲懸今日登仁壽長看法鏡圓

和九月九日登慈恩浮圖應制

李義

湧塔開一作臨一作玄地高層瞰紫微鳴鑾陪帝出攀椽翊天飛慶洽

重陽壽文含列象輝小臣叨載筆無以一作頌巍巍

閏九月九日幸總持寺登浮圖應制

李又

清蹕幸禪樓前驅歷御溝還疑九日豫更想六年遊聖藻輝綉
絡仙花綴冕旒所欣延億載寧祇慶重秋

幸白鹿觀應制

李又

制蹕乘驪皇遊輿指鳳京南山四皓謁西嶽兩童迎雲幄臨玄

圃霞杯一作福赤堦神明近茲一作地何必往蓬瀛

送沙門弘景道俊立裝還荊州應制

李又

初日承歸旨秋風起贈言漢珠留道味江鐔返真源地出南關
遠天迴北斗尊寧知一柱觀却啓四禪門

奉和幸三會寺應制

李又

詩餘叢書卷第十九 釋道

睿德總無邊神皇擇勝緣二儀齊法駕三會禮香筵漢闕一作

近秦山太白連臺疑觀一作書鳥日池似刻鯨年滿月臨真境秋

風入御絃小臣叨下列持管謬窺天

奉和幸大薦福寺

李又

象設隆新宇龍潛想舊居碧樓披玉額丹仗導金輿代日興光
近周星掩曜初空歌清沛筑楚樂美河書帝造環三界天文嘉
六虛康哉孝理日崇德在真如

幸白鹿觀應制

崔湜

御旗探紫籙仙仗闢丹丘捧藥芝童下林香桂女留鸞歌無歲

月雀語記春秋臣朔真何幸常陪漢武遊

慈恩寺九日應制

崔湜

帝里重陽節香園萬乘來却邪莫結珮獻壽菊傳杯峯巖承天湧門疑待佛開睿詞懸日月長得仰昭回

奉和九日登慈恩寺浮圖應制

李適

鳳輦乘朝霽鸚林對晚秋天文貝葉寫聖澤菊花浮塔似神功造龕疑佛影留幸陪清漢蹕欣奉淨居遊

奉和九月九日登慈恩寺浮圖應制

鄭愔

鴻霄開寶塔倒影駐仙輿雁子乘堂處龍王起藏初秋風聖主尚佳氣史官書願獻重陽壽承歡萬歲餘

奉和幸三會寺應制

鄭愔

詩林韻藻卷第十九 釋道

五

鳥籀遺新閣龍旂訪古臺造書臣頡頏觀跡一作帝義來睿覽

一作山川匝宸心宇宙該梵音隨駐輦天步接乘杯舊苑經寒

露殘池問劫灰散花將捧日俱喜聖慈一作開

奉和幸大薦福寺

鄭愔

舊邸三乘闕佳辰萬騎留蘭圖奉葉偈芝蓋拂花樓國會人三法宮還天帝遊紫雲成寶界白水作禪流雁塔昌基遠鸚林睿

藻一作蕙草抽欣承大風曲竊預小童謳

奉和九月九日登慈恩寺浮圖應制

馬懷素

季月重陽啓金輿陟寶坊御旂橫日道仙塔儼雲莊帝蹕千官從乾詞七曜光顧慚文墨職無以頌時康

奉和幸白鹿觀應制

武平一

王府凌三曜金壇駐六龍綵旒懸倒景羽蓋偃喬松玄圃靈芝
秀華池瑞液濃謬因沾舜渥一作聖澤長願奉堯封

奉和九月九日聖製登慈恩寺浮圖應制

劉憲

飛一作香塔雲霄半清晨羽旒遊一作仙鑣淨境遊登臨憑季月寥廓見

中州御酒新寒退天文瑞景留一作寶辟一作邪將獻壽茲日

奉千秋

閏九月九日幸總持寺登浮圖應制 劉憲

重陽登閏序上界叶時巡駐輦天花落開筵妓樂陳城端斜柱

詩詠卷第九 釋道

六

見雲表露盤新臨睨光輝滿飛文動睿神

幸白鹿觀應制 徐彥伯

鳳輿乘八景龜籙向三仙日月移平地雲霞綴小天金童紫紫

藥玉女獻青蓮花洞留宸賞還旗繞夕煙

奉和九月九日登慈恩寺浮圖應制 盧藏用

化塔龍山起中天鳳輦迂絲旒牽畫刹雜佩冒香萸寶葉擎千

座金英漬百孟秋雲飄聖藻霄極捧連珠

奉和九月九日登慈恩寺浮圖應制 趙彥昭

出豫乘秋一作佳節登一作憑高陟梵宮皇心滿塵界佛跡現虛空

日月宜長壽人天得大通喜聞題寶偈受記莫由同

奉和幸白鹿觀應制

趙彥昭

雲駿驅半景星蹕坐中天國誕玄一作元宗聖家尋碧落仙玉

鸞薦壽寶算崔知年一觀光華旦欣承道德篇

奉和幸大薦福寺

趙彥昭

寶一作初地龍飛後金一作今身佛現時千花開國界萬善累皇基

北闕承行幸西園屬住持天衣拂舊石王舍起新詞剎鳳迎珮

輦幡虹駐綵旗同沾小雨潤竊仰一作仰詠大風詩

奉和九月九日登慈恩寺浮圖應制

崔日用

紫宸歡每洽紺殿法初隆菊泛延齡酒蘭吹解愠風咸英調正

樂香梵遍秋空臨幸符天瑞重陽日再中

詩韻卷第五 釋道

七

奉和九月九日登慈恩寺浮圖應制

岑 羲

寶臺聳天外玉螯步雲端日麗重陽景風搖季月寒梵堂選集

帝樂近翔鸞願獻延齡酒長承湛露歡

奉和九月九日登慈恩寺浮圖應制

李迥秀

沙界人王塔金繩梵帝遊言從祇樹賞行翫菊叢秋御酒調甘

露天花拂綵旒堯年將佛日同此慶時休

奉和九月九日登慈恩寺浮圖應制

蕭至忠

天蹕三乘啓星輿六轡行登高凌寶塔極目徧王城神衛空中

繞仙歌雲外清重陽千萬壽率舞頌昇平

奉和九月九日登慈恩寺浮圖應制

辛替否

洪慈均動植至德俯深玄出豫從初地登高適楚天白雲飛御
藻慧日煥皇編別有秋原藿長傾雨露緣

奉和九月九日登慈恩寺浮圖應制

樊忱

淨境重陽節仙遊萬乘來挿萸登鷲嶺把菊坐峰臺十地祥雲
合三天瑞景開秋風詞更遠竊抃樂康哉

奉和九月九日登慈恩寺浮圖應制

孫佺

應節萸房滿初寒菊圃新龍旗煥宸極鳳駕儼香闈蓮井偏正
夏梅渠更若春一欣陪雁塔還似得天身

奉和九月九日登慈恩寺浮圖應制

王暹

玉輦移中禁珠梯覽四禪重階清漢接飛竇紫霄懸綴葉披天

詩苑卷第九 釋道

藻吹花散御筵無因鑿蹕暇俱舞窟林前

奉和九月九日登慈恩寺浮圖應制

周利用

出豫乘金節飛文煥日宮萸房開聖酒菊一作奈花被玄功塔

三天迴將一作收八解空叨恩奉蘭籍終愧洽熏風

奉和九月九日登慈恩寺浮圖應制

張景源

飛塔凌霄起宸遊一屆焉金壺新泛菊寶座卽披蓮就日播香
輦憑雲出梵天祥氛與佳色相伴雜鑪煙

奉和九月九日登慈恩寺浮圖應制

楊庶

萬乘臨真鏡重陽眺遠空慈雲浮雁塔定水映龍宮寶鐸含威
響仙輪帶日紅天文將瑞色輝煥滿寰中

奉和九月九日登慈恩寺浮圖應制

畢世泰

鷓林花塔啓鳳輦順時遊重九昭皇慶大千揚帝休看闡妙法
闡王舍睿文流至德覃無極小臣歌詎酬

奉和九月九日登慈恩寺浮圖應制

李恒

寶地臨一作鄰丹掖香臺瞰碧雲關一作河山天外出城闕樹中

睿藻蘭英秀仙杯菊蕊重願將今日樂長奉聖明君

奉和聖製幸白鹿觀應制

張說

洞府寒山曲天遊日旰迴披雲看石鏡拂雪上金臺竹徑龍

下松庭雀轡來雙童還獻藥一作鸞五色耀仙材

奉和同皇太子過慈恩寺應制二首

蘇頌

九

張說

翼翼宸恩永煌煌福地開離光升寶殿震氣繞香臺上界幡花

合中天伎樂一作日月來願君無量壽仙樂屢裴徊

朗朗神居峻軒軒瑞象威聖君成願果太子拂天衣至樂三靈

會深仁四皓歸還渦水曲更繞白雲飛

道家四首奉敕撰

張說

金壇啓曙闈真氣肅微微落月銜仙竇初霞拂羽衣香隨龍節

下雲逐鳳簫飛暫往蓬萊戲千年始一歸

窈窕流精觀深沈紫翠庭金奩調上藥寶案讀仙經作賦看神

雨乘槎辨客星祗應謝人俗輕舉託雲軒

金爐承道訣玉牒啓玄機雲逐笙歌度星流宮殿飛乘風嬉浩
蕩窺月弄光輝唯有三山宿應同千載歸

道記開中錄真官表上清焚香三鳥至鍊藥九仙成天上靈書
下空中妙妓迎迎來出煙霧渺渺戲蓬瀛

奉和聖製經河上公廟應制

張說

河上無名老知非漢代人先探道德要留待聖明晨玄妙爲
下清虛用咨神化將和氣一風與太初鄰靈廟觀遺像仙歌
至真皇心齊萬物何處不同塵

幸白鹿觀應制

蘇頌

碧虛清吹下藹藹入仙宮松磴攀雲絕花源接澗空受符邀羽

詩詠卷第十九

釋道

十

使傳訣駐香童詎是閑居日徒聞有順風

奉和聖製經河上公廟應制

蘇頌

河流無日夜河上有神仙輦路曾經此壇場卽宛然下疑成洞
穴高若在空中煙善物遺方外和光繞道邊事因周史得言與
漢王傳喜屬膺期聖邦家業又玄

奉和聖製經河上公廟

張九齡

昔者河邊叟誰知隱與仙姓名終不識章句此空傳跡爲坐忘
晦言猶強著詮精靈竟何所祠宇獨依然道在紆宸睠風行動
睿篇從茲化天下清淨復何先

奉和聖製慶玄元皇帝玉像之作應制

王維

明君夢帝先寶命上齊天秦后徒聞樂周王恥卜年玉京移大
像金籙會群仙承露調天供臨空敞御筵迴迎壽酒山近起
鑪煙願奉無爲化齋心學自然

登玄元廟

皇甫冉

古廟川原迴重門禁籟連海童紛翠蓋羽客事瓊筵御路分疎
柳離宮出苑田興新無向背望久辯山川物外將遺老區中誓
絕緣函關若遠近紫氣獨依然

晚秋陪崔閣老張秘監閣老苗考功同遊昊天觀時楊
閣老新直未滿以詩見寄斐然酬和有愧燕音

權德輿

詩歸卷第九

釋道

七

方駕遊何許仙源去似歸縈迴留勝賞瀟灑出塵機汎菊賢
至燒丹姹女飛步虛清晚籟隱几吸晨輝行徑琅玕合芝田
濯晞銀鉤三洞字瑤笥六銖衣麗句翻紅藥佳期限紫微徒然
一相望郢曲和應稀

奉和杜相公太清宮紀事陳誠上李相公十六韻

韓愈

表相與姬國輶櫟建夏家在功誠可尚於道詎爲華象帝威容
大仙宗寶曆賒衛門羅戟架圖辟雜龍蛇禮樂追尊盛乾坤降
福遐四真皆齒列二聖亦肩差楊月時之首陰泉氣未牙殿階
一作鋪水碧庭炬堦金葩紫極觀忘倦青辭奏不諱噲官夜

關嘈噉鼓晨趨爽味陳奚取名香薦孔嘉垂祥紛可錄俾壽
無涯貴相山瞻峻清文玉絕瑕代工聲問遠攝事敬恭加皎潔
當天月葳一作葵 凝捧日霞唱妍酬亦一作匪 麗俛仰但稱嗟

供奉定法師歸安南

楊巨源

故鄉南越外萬里碧雲峯經論辭天去香花入海逢鷺濤清苑
徹蜃閣化城重心到長安陌交州後夜鐘

廣宣上人以應制詩見示因以贈之詔許上人居安國

寺紅樓院以詩供奉

白居易

道林談論惠休詩一到人間便作師香積筵承紫泥詔昭陽歌
唱碧雲辭紅樓許任請銀鑰翠輦陪行闕玉輝惆悵甘泉寺

蘇轍集卷第九 釋道

七

從與君前後不同時

贈供奉僧次融

姚合

會解如來意僧家獨有君開經對天子騎馬過聲聞本寺遠于
日新詩高似雲熱時吟一句涼冷勝秋分

臘後送內大德從勗遊天台

皮日休

講散重雲下九天大君恩賜許隨緣霜中一鉢無辭乞湖上孤
舟不廢禪夢入瓊樓寒有月行過石樹凍無煙他時瓜鏡知何

用吳越風光滿御筵

和臘後送內大德從勗遊天台

陸龜蒙

應緣南國盡南宗欲訪靈溪路暗通歸思不離雙闕下

在四明東銅餅淨貯桃花雨金策閑搖麥穗風若戀吾君尤拜
疏爲論台嶽未封公

奉和聖製幸嶽寺

吳融

嶽寺清秋霽宸遊永日閑霓旌森物外鳳吹落人間玉漱穿城
水屏開對闕山皆知聖情悅麗藻灑芳蘭

駕幸天長寺應制

釋廣宣

天界宜春賞禪門不掩闕宸遊雙闕外僧隱百花間連馬哨長
路煙雲淨遠山觀空復觀俗皇鑒此中閑

寺中柿樹一葉四顆詠應制

釋廣宣

珍木生奇畝低枝拂梵宮因開四界分本自百花中當夏陰

蘇轍卷第九 釋道

三

綠臨秋色變紅君看藥草喻何試太陽宮

駕幸普救寺應制

釋廣宣

南方寶界幾由旬八部同瞻一佛身寺壓山河天宇靜樓懸日
月鏡光新重城柳暗東風暝複道花明上苑春何鸞輿歸鳳

闕曲江池上動青蘋

紅樓院應制

釋廣宣

紅樓疑見白毫光寺逼宸居福盛唐支遁愛山情漫切曇摩泛
海路空長經聲夜息聞天語鑪氣晨飄接御香誰道此中難可
到自憐深院得徊翔

再入道場紀事應制

釋廣宣

南方歸去再生天內殿今年異昔年見闢乾坤新定位看題目
月更高懸行隨車輦登仙路坐起爐煙講法筵自喜恩深陪侍
從兩朝長在聖人前

安國寺隨駕幸興唐觀應制

釋廣宣

東林何獻是西鄰禪客垣墻接羽人萬乘遊仙宗有道三車引
路本無塵初傳寶訣長生術已證金剛不壞身兩地盡修天上
事共瞻鸞駕重來迎

禁中法會應制

釋廣宣

天上萬年枝人間不可窺道場三教會心地百王期侍讀沾恩
早傳香駐日遲在筵蓮荷道通籍許言時空媚陪仙列何皆答

蘇軾集卷九

釋道

七

聖慈從今精至理長願契無爲

寺中賞花應制

釋廣宣

東風萬里送香來上界千花何日開却笑霞樓紫芝侶桃柳深
洞訪仙才

駕幸三會寺應制

景龍二年
十月三日

上官昭容

釋子談經處軒臣刻字留故臺遺老識殘簡聖皇

一作
求駐蹕

懷千古開襟望九州四山綠塞合二水夾城流宸翰陪瞻仰天
杯接獻酬太平詞藻盛長願紀鴻休

譯經光梵大師

宋楊億

薪火滅雙林誰傳七佛心譯筵香篆絕經葉靈魚侵倪座雲雷

歌龍宮歲月深青蓮流半偈白馬度千岑大士招提啓明君
葆臨對翻天竺字助發海潮音空界化成雨仁祠地布金九旬
談妙理三接簡宸襟淨社延居士生臺集野禽琅函香拂袂奈
苑樹交陰文字蹄求免機緣芥值針龍華他日會應記洛生吟

致齋太一宮

楊億

漢帝祈年館威神法太微赤章修祕祝盤石拂仙衣雉雒靈光
發鸞歌彩霧霏霓旌飄夕吹瑤草泛春暉瑣屑晨杯滿芝苗晝
茹肥象樽猶一獻鳧鳥自雙飛天迴鸞輪度宵殘素瑟希回看
蔥鬱處佳氣接彤闈

致齋太一宮

錢惟演

詩林韻藻卷第九

釋道

五

齋潔奉惟馨瑤臺獨自升樓迷五里霧壇燭九枝燈珠館來青
雀璇題射玉繩疎鐘平野濶古柏夕霏凝鶴扇真規月仙衣可
鑲冰春茶泛雲液曉飯荐蘭烝鍊藥疑洪井藏書類羽陵回瞻
太帝室飛檻更長憑

致齋太一宮

劉筠

紫館天神貴綸闈地望清齋心奉蠲潔攝事罄誠明殿翼如軒
翥壇垓類削成直官琳札密太宰繡衣輕薜荔羅芳席虹蜺曳
綵旌星陳五帝佐體荐一元牲蒼駟回風馭珍禽警露聲丹霞
升曉氣若木競新英挹袂寧無友凌霄自放情受釐宣室對賈

傅異諸生

漢夢通西域逍遙廣舊園竺乾方演教金粟豈忘言視滴寒機吐臺香瑞獸噴揮毫花滿穢隱几雪盈門
印存縱橫十二部慧日破重昏

太清宮燒香

歐陽修

清晨琳闕聳巒岈珥節齋坊暫整冠玉案拜時香裊裊畫廊行處佩珊珊壇場夜雨蒼苔古樓殿春風碧瓦寒我是蓬萊宮學士朝真便合列仙官

奉敕祭西太一和韓川韻四首

蘇軾

聖主新除祕祝侍臣來乞豐年壽宮神君欲至半夜靈風肅然

詩林韻藻卷第九 釋道

六

玉璽親題御筆金童來侍天香禮罷祝融參乘前驅已過衡湘解劍獨行殘月披衣困卧清風夢蝶猶飛旅枕粥魚已響枯桐陂木初含曉燥稻花半作秋香阜蓋却迎朝日紅雲正遠宮牆

次韻韓川奉祠西太一宮四首

黃庭堅

萬靈未對甘泉五福間祀迎年旂旗三遊半偃風馬雲車闐然白旄下金神節青祝攜御爐香百里盡修亳祀九歌不取沈湘紫府侍臣鳴玉露臺御史生風官燭論詩未了知秋自屬梧桐泰壇下瑞雲黃雨師灑道塵香便面猶承墜露金鉦半吐東牆依韻和吳相公從駕至開寶寺慶壽崇因閣

崇因開寶構金碧畫相輝禁蹕隨曦馭層城轉斗機梵音獅子
吼妙相鵠王歸洛水浮神篆天花散御衣塔疑從地湧棟擬入
雲飛上行乘今果羣趨懼昨非慧珠常自照法雨徧成霖但起
真如念梯梁不可幾

立春奉祠太一

黃裳

九霄香落降龍衣隱隱霓旌下紫微十雨九風春意好已知消
息曉來歸

冬祠太一六言四首

范成大

三三舊傳神呪十神今濟時艱願挽靈旗北指爲君直搗陰山
月色朧明碧瓦蠟煙浮動黃簾罨騎騰輪欲下一天飛霰織

讀龍龕卷第九 釋道

七

雲木棲烏未動風庭警雀先鳴殘夜百靈夙駕人間鼻息雷
行道羽衣縹緲卷班玉佩冬瓏回首金鋪獸面步虛聲在天風

十一月十八日蒙恩再領冲佑鄰里來賀謝以長句

陸游

綠章封事徹虛皇黃紙除書降野堂海上春常探先到壺中
已不勝長冰銜再署仙班貴宦料重支玉粒香便挂朝冠亦良
易金銅茶籠本相忘

上清宮

金李汾

千劫塵緣謝吏曹道山仙闕事遊遨樓臺縹緲滄溟澗宮殿森
羅紫極高幾代雲孫接仙李千年王母醉蟠桃詩成便欲還山

去猶待君王賜錦袍

步虛詞三首 後二首三
卿時作

元好問

闌苑仙人白錦袍
海山宮闕醉蟠桃
三更月底鸞聲急
萬里風頭鶴背高

萬神朝罷出通明
和氣歡聲滿玉京
見說人間有新異
綠章封事謝昇平

琪樹明霞碧落宮
歌音嫋嫋度冷風
人間聽得霓裳慣
猶恐鈞天是夢中

送張真人赴召祈雨南歸

元程鉅夫

聖主憂凶歲
真人下碧岑
雲辭武當黑
雨入薊門深
獨抱回天力
常存濟物心
兩宮宣賜罷
鷓鴣香沈沈

蘇轍卷第十九 釋道

六

次韻王寅甫侍讀在醮長春宮

袁桷

蛻骨稜稜似鶴輕
觚壇危處玉為成
天街正候三能色
雲所呼萬歲聲
氣篆通靈歸廓落
心章祈歲報清平
金穰上瑞吾皇意
不用神芝朶朶生

送吳宗師南祀歸二首

鄒文原

國老分茆社
祠官從使星
鶴書來澗谷
羽節動仙靈
寸草春逾碧
黃花晚獨馨
真人猶五采
歸受蕊珠經

草木南薰候
神仙上界官
平生脩月斧
萬里御風翰
江雨鳴星劍
京空憶露盤
白鷗秋水外
相與醉憑闌

都中送元傑道士南歸

鄧文原

授節仙山得過家都門津柳動春華還鄉近似十年鶴奉使榮
於八月查古井雲封丹竈藥舊松風埽石壇花道人冠劔鳴瑤
佩豈必高車畫錦誇

贈趙鍊師奉祠南海會稽

鄧文原

函香南國羽衣師東繞稽山謁禹祠使馭穩如乘白鶴仙都歸
及采玄芝文園進橐無封禪宜室求言有受釐書就會同靈覬
澗詞人休謔九歌辭

宗陽宮望月分韻得聲字

楊載

老君臺上涼如水坐看冰輪轉二更大地山河微有影九天風

詩龍溪卷第九

釋道

九

露寂無聲蛟龍並起承金榜鸞鳳雙飛載玉笙不信弱流三萬
里此身今夕到蓬瀛

仲弘詩前輩以宗陽宮望月一首爲絕唱

送王尊師祀武當山

黃潛

二月春光畫不如綠楊陰裏度雲車獨持使節辭金殿遠上天
壇禮玉虛候吏傳呼開洞府羽人指點望霞裾仙家近在蓬萊
境歸及皇輿北狩初

同張伯雨過

一作遊

凝神菴因觀宋高宗所賜蒲衣道士

張達道白羽扇

薩都刺

晴日赤山湖水明湖中山影一眉青蒲衣道士無人識羽扇年

年一作多落鳳翎

送張真人代祠武當龍虎兩山追賦

陳旅

桂館祠官持羽節名山兩地躡丹梯共誇曼倩來金馬大勝三
衰祀碧雞杵澗暝痕消雨石杼巖秋影動星溪蕙肴椒醑登琤
席定有神光起時畦

送李盤中真人代祀江南三名山

陳旅

弱水回風不受帆三山只在大江南使槎真帶秋星溼仙掌遙
分夕露甘琮玉禮神通景氣寶香隨地結清嵐泰壇建論昭靈
詎老我猶能效史談

次韻許可用參政從幸承天護聖寺是日陞左丞

吳師道

詩林龍龕卷第九

釋道

三

西北羣山迴盤盤護帝鄉玉泉流海闊金刹倚雲翔四月龍舟
邁千官馬首曠落花榮劔佩高柳拂帆檣采女遙分隊材官逆
綬行和聲宣鼓籥珍獻集梯航天雨清初霧湖波靜不揚瓦光
浮璀璨鈴語振鏘鏘楚唄雷音偈醜酬雪色漿玉林敷御坐翠
殿散天香內宴肴初秩仙韶樂更張騶虞游近野黃鵠下回塘
馳道風隨輦行宮月轉廂應同游上苑何以幸雲陽心共斯民
樂謨咨上相良傳宣升列輔稽首荅休光勲業期千載精神萃
一堂序調堯曆象澤浹舜要荒盛事傳新句迂儒乏寸長願將
歸美意絃誦播修廊

送道士張宗嶽奉賀正旦表朝京竣事還龍虎山

大明初啓日蒼涼天子垂衣御萬方花織錦茵雙鳳翥雲浮玉座九龍翔珠懸殿幄晨光動燈轉紗籠刻漏長

大明殿幄懸大寶珠于上中殿

郭太史所製燈漏

銀漢星槎來萬里綠章雲篆

一作管

賀三陽烏趨青瑣

煙霏繞酒出黃封雨露香芝草繡衣金纂纂芙蓉初佩玉玲瓏

重瞳屢顧真希幸寵渥頻承特異常辭陞更瞻天日表賜環應

在水雲鄉留侯印綬將歸璧

時議復天師印綬

使者旌旄已趣裝河朔

游塵隨騎氣江南清夢入詩囊仙源路近桃花發鬼谷山溪榭

葉芳後夜相思京洛士黃精還許寄來嘗

奉題張真人觀回行卷後二首

張伯遠

詩林卷第十九

釋道

三

玉皇居處擁神霄上界真人羽節朝鳳女傳香函御札龍孫隨輦聽仙韶塞塵夜靜邊星落潮水秋平海霧消盡使沈冥躋爽達遂應服食得逍遙

章辭玉陛回天聽詔下金門遣使符獸錦分香來御篋寶樽承露出宮厨海波不隔家山遠霄漢長懸寵澤聖主若思垂拱治上方仍遣候飛鳧

題張真人觀回行卷後

倪太初

龍蟠虎踞漢仙家碧玉樓臺護紫霞春在猗蘭開奕葉風暄珠樹吐三花霓旌翼駕朝元早雲笈傳書卜世遐忝是蓬萊山畔

客星河慣識上天槎

海日曠瞻照九衢霓旌霞飾擁高居尚方勅畫仙官像中使傳
宣學士書劔氣朝寒垂白練丹光夜暝出紅蕖石壇醮罷清如
水猶聽松陰起步虛

廣徽天師祈雪有應詩以美之

貢師泰

九枝燈照碧壇空龍虎旗高滿殿風綠簡夜深朝玉陛素幢春
淩拂珠宮一天凍色星河合萬里冰華陸海同明日內家應錫
宴綵符爭取綴銀蟲

送學無遇長老歸江南

成廷珪

新賜袈裟染茜紅拈花消息悟靈峰大開海會容三教遠致嵩

蘇詩卷第九

釋道

三

呼祝九重貝葉有書馱白馬葛藤無語問黃龍湖船滿載燕山
月歸照招提萬樹松

和吳宗師灤京詩

朱德潤

紫駝白象壯行儀但覺炎威日日微露透地椒清竇仗風生天
轆滿旂旂金盤藹藹行新饌玉體脩脩進袂衣自得仙吟因想
像牛生元不離門鬣

送天使僧

張昱

釋子承天語儒臣撰寺碑萬間靈谷見一切布金爲寶界山河
大瓊顛雨露垂丹青人所仰壯麗古鈔幣勤中賜恩榮拜
曲施文章尊典誥億兆頌皇基鸞舉冠筆光華鳳吐辭

天上遣金錫日邊移赫赫瞻行進遙遙賦再馳在公無侯謁於
禮有嫌疑道路承傾蓋言辭見誦詩斯須知久要造次亦委蛇
宗廟觀壘洗雲霄式羽儀乃知修白業動堯眷慶讚諸天會觀光
律餘生共聖時頂祈摩佛手目願覩堯眷慶讚諸天會觀光
世期叩頭雲陛遠舞袖草堂卑枝繞貪生鵠池支服氣龜睽
難折柳嚮仰只傾葵復命蒼龍闕羣恩白玉墀握蘭前席對
草近臣知仙樂停宮扇天花散殿帷一人膺大慶萬宇受無
立雪時將至拈花事未遲有緣皆弟子無念不慈悲軟語敷甘
露清齋却紫芝頻煩尊問慚媿老夫衰在德寧忘報惟心不
可欺朝宗江漢水日夜注懷思

蘇軾集卷第十九 釋道

送薛鶴齋真人代祀天妃還京

王逢

蓬萊宮裏上卿班代祀天妃隔歲還日遶五文皆御氣海浮一
髮是成山風霆夜護龍鸞節雪霧朝披玉雪顏聖渥旣隆玄化
盛轉輸應盡入秦關

題天重寺朝元閣

吉雅謨丁

海內兵塵已十年上方鐘鼓獨依然史臣錫號承天寵中使函
香出御筵山列九龍蟠紫翠樓開五鳳敞雲煙籃輿亦有登山
約擬聽松風借榻眠

至大三代祀茅山宿玉晨觀

吳全節

皇馳六轡過華陽晉檜蒼蒼古道場夜鶴唳風情地肺曉龍

雨護天香三峰恍惚蓬萊境萬象昭回草木光青石壇高天
尺綠章封事荅吾皇

六月十六日早朝偶成八句寄山中諸友

吳全節

五年四觀六龍飛又領羣仙覬紫微金殿一作煙霞
一作烟雲

浮黼辰一作玉階日月麗旌旗羣一作庭臣奉壘勤三讓國母臨

朝重萬機遙食蟠桃一作桃知幾次一作度客星還照一作月釣

魚磯

獲玉印并序

吳全節

三茅山道童遇白兔入穴擲之得一玉印乃九老仙都君玉

詩林韻藻第十九 釋道

雷

印一顆乃宣和故物也

瑤瑛篆刻鎮華陽猶帶宣和雨露香玉兔有靈開地藏金童無

意得天章九重臺上增春色萬里書中耿夜光喜遇明時薦神

瑞三君珍重護宏綱

中佑萬年宮

吳全節

武夸天賜萬年宮雲隔蓬萊夢已通玉旨煌煌鑄石壁權歌隱

隱渡溪風帆歸海國春潮綠市箭星邨晚照紅不用廣寒脩月

斧奎章大筆紀成功

延祐元年五月重祀茅山瑞鶴詩二首并序

吳全節

至大庚戌秋百餘鶴集大峰一宿宗師劉君以其明年
嘗圖以獻茲以上命再祀宗壇比至下泊有鶴十二者相
導遂賦二絕并紀之

一雨三峰分外青巖華潤草共欣榮茅君聞道天香至先遣西
山羽駕迎

圖寫丹青上九天秋風百鶴駐山前誰知六轡重來日又見排
空十二仙

上京賜宴王詹叟有詩次韻

張雨

從事何緣過草堂行都遣賜玉壺方遠勞使者紅塵騎爛煮仙
家白石羊中聖敢辭千日醉承恩獨許四明狂金莖賸有三清

詩林韻藻卷第十九 釋道

五

露潤及葵心向太陽

吳僧日章講師赴召修蔣山普度佛事旣罷東歸送別

二首

明高啓

萬人擁坐聽潮音寶刹曾迂玉駕臨佛法曉敷三藏秘帝恩眷
及九原漢鍾山坐處花頻雨練浦歸時樹欲陰擬問楞伽嗟已
別楚江飛錫暮沈沈

故鄉未解識清容却在金陵闕下逢中禁曾分齋鉢飯上方特
叩講筵鐘一帆細雨迢迢浦半塔斜陽靄靄峰相送師歸忽多
感飛雲亦戀舊依松

駕幸朝天宮祭星之作

李禎

上帝蕭臺衛百靈
備皇拂曙臨羣星
清都秘錄開雲篆
白晝
雷擲火鈴曉露未乾
珠樹濕天風微動
寶花零叨恩久在南宮
裏長從鑾輿幸冶亭

至前二日朝天宮習儀

楊慎

緋袍玉佩過長安
紫府琳庭引百官
一代威儀非漢苑
三成氣象是周壇
城頭曠色籠輕霧
樹杪新陽破早寒
聞道宮衣添線恩
光請向袞龍看

西清詞四首

黃佐

碧殿崢嶸槩泰清
颺臺荷送步虛聲
流鈴擲火飛章地
一片雲遮翡翠汀

詩林龍卷第九 釋道

美

輦道陰森萬枿齊
水晶簾幙動晴霓
六龍行處金螭合
冉冉紅雲闥苑西

紅葉飄飄出御溝
銀屏金屋不知秋
侍臣鵠立空翹首
日色瞳矇滿鳳樓

減却雲鬟帶玉冠
紫煙衣薄露光寒
步虛聲裏琪花落
藏得君王軀脂膏

冬日過朝天宮

袁偉

蕭瑟嚴宮萬木稀
下方鑪定凍煙微
風將雲磬隨行佩
松漏氷花著羽衣
北市無喧知地迥
西山漸染覺春歸
老年數欲尋玄理
不但朝儀叩此扉

君從

徐渭

君從閩海下南昌正值中宮降玉皇
龍號真人親拜斗
者自然香壇中祝壽
丁官滿官裏傳旛
兩道長不是薄遊
江
客何由得覩此輝光

十月四日奉天門進應制獻佛樂章

釋宗泐

曉進封函紫殿深
九重齋沐政虛心
翰林拜署延慈曲
樂府翻
誦法壽音清廟
烈文同盛大
白雲黃竹異荒淫
由來制作當時
事千古揄揚始自今

奉和御賜詩韻三首

釋來復

十年閑寄半龕雲
覺義新除荷寵助
華餼炊香天上賜
好音傳

詩林龍卷第九 釋道

毛

喜日邊聞尚書自進金欄製學士
新題紫誥文
白髮匡宗無補
報不才濶負聖明君

侍漏從容謁九關
日臨黃道覲龍顏
鳳詔遠聽丹墀樂
錫序長
聯玉笋班聞法有爲知
世幻觀心無欲共雲閑
蒙恩不盡鴻禧
祝爾極天開萬歲山
滿袖爐煙吐紫宸
伽梨玉色賜來新光翻
貝葉諸天曉香種曇
花大地春禪月長明
虛有象劫風不動海無塵
見超生滅空三際
同證毘盧刹土身

至上於奉天門賜坐焚香供茶午就賜齋問以宗門大

意首以靈山付屬繼以迦葉感化爲對喜賦詩以獻

釋來復

蓬萊雲氣溼袈裟奏對天門日未斜
膳部別分香積飯龍圖賜上方
茶謾論魔佛生同劫最喜華夸共
一家山野自漸無報散花琪樹讀楞伽

寄北禪佑講主洪武初應高僧召

釋來復

雲霞剪作佛袈裟草座長年靜結跏
禮罷六時天送供講來三藏兩添花
象龍會赴高僧會羊鹿誰乘稚子車
隨處溪山可終老不愁無地布金沙

御賜圓通禪寺後以詩寄善世全室

釋來復

龍河再鎮感皇情倡道從來屬老成
暗史夜摩皆聽法震丹竈

詩林韻藻卷第九 釋道

天

國總知名日邊華構開金刹海上孤峰見
赤城寶掌有符重應記虛空同壽祝升平

頌鐘山新寺後二日欽蒙聖製和章感遇之餘謹再用

韻賦三首

釋來復

寶刹新成護百靈鐘山泉石有光榮
金輪朝佛諸天喜玉帛來王萬國平
定起不知明月上身閑只愛白雲迎
龍飛幸際雍熙日親見黃河一度清

蓮花塔戶境容開設利流光月滿臺
江吼鼙聲東海去地蟠龍勢北山來
雲中梵唄和仙樂天上香盂送佛齋
盛世只今隆外護圭宗須藉仲靈才

聖主虛心論道玄宸章特賜起枯禪瑞浮雲彩來雙闕光映奎
支動九天蒲座開函風滿石花池洗鉢雨添泉經駝白馬今重
出絕勝摩騰入漢年

車駕臨蔣山於崇禧寺賜高僧齋議設無遮會謾成口

號二首

釋來復

崇禧寺前風日清鑿輿遙迓定鐘鳴山林有道禪王化天地無
私荷聖情婁約入梁終應詔惠琳居宋豈貪名金山重感千年
夢願濟幽靈蒼治平

祇園花雨曉吹香手綰袈裟近御牀闕下紫雲隨雉尾座間紅
日動龍光金盤蘇合頌殊域玉盃醞酬出尚方稠疊屢承天上

詩林韻藻第九 釋道

无

同朝無德頌陶唐

同朝天宮道士朝回口號二首

釋來復

羽仙飛佩曉冷風禪子金襴映日紅共祝太平朝帝闕蓬萊巖
率五雲中

午陰初轉御橋灣齋退從客出九關天上好風重送喜鑿輿明

口幸鍾山

靈谷寺法會應制

釋守仁

寒巖草木正嚴冬一日春回雨露濃安石故居遺雪竹道林新
塔倚雲松木魚聲斷催朝飯銅鼎香消起幕鐘千載奎文留秘

靈天光午夜照金容

正月十五日鍾山書事并簡陶禮部

釋守仁

靈羣靈殞劫灰法筵親向蔣陵開雲垂五采金仙降燈擁千
官玉輦來旌旆影寒香旖旎簫韶聲轉月徘徊清朝盛典誰能
記白髮詞臣漢史才

十七日謝恩奉天門

釋守仁

重重護采霞天門賜坐擁袈裟尚方晨鉢分雲子中使春
恩乳花雉尾風清天只尺螭頭香煖霧橫斜聖恩特許還山
官柳黃時喜到家

鍾山法會詩

釋夷簡

洪武五年正月十五日朝廷就鍾山寺大建法會首

鼓韶慶卷第九 釋道

三

濟幽矣四年十二月十五日上御奉天殿集公侯百

官宣諭建會之因禁天下宰屠上先齋戒一月以嚴

法賦齋戒

食金盤去八珍九重齋戒諭羣臣版圖賔貢無中外鬼錄流
有故新佛事五天均至化民生四海賀同仁普通有願長蔬

曾夢神僧水陸因

正月十三日三鼓時上御奉天殿集公侯百官奉上

佛表命禮部尚書齋赴鐘山啟建法會焚之賦奉表

手封函出紫宸百靈効職共紛紜尚書夜待三更漏使者朝

五色雲宣室鬼神徒有問茂林封禪謾能文陳情此日趨宸

驚萬歲千秋報聖君

十五日上服袞冕乘輦輅赴法會至日夕迎佛上
公侯百官臨法筵供佛行大禮樂用善世等曲先是
十四日微雪呈祥尋卽開霽是夕星月在天風露湛
寂絲竹迭奏燈火交輝禮儀之盛前古莫及賦迎佛
禮佛送佛三首

鷲嶺幡幢下界來先令滕六淨氛埃微風不動燈如晝明月初
昇樂似雷宿衛萬夫嚴虎旅從官千騎駐龍媒袞衣儼在通明
殿一朶紅雲擁不開

天子臨筵禮覺皇衣冠陪位亦侯王寶臺高處金蓮色珠樹中

蘇軾奏第九

釋道

三

間玉佩光幣帛奉陳先盥洗茶甌初獻謹焚香漢庭不必論前
夢親覩金容在上方

皓月華星傍九霄夜深端坐聖躬勞樂聲按舞漁山近花雨飄
空鷲嶺高玉冊讀文傳太祝金杵捧奠出儀曹從容望燎鑿輿
動目送中天白玉毫

宣諭鬼竄賜以法食賦諭鬼

萬方殺戮到漁樵三日齋宮德澤饒朽骨又蒙周室葬游魂不
待楚人留千年象教來中國一代威儀出聖朝慚愧山林何所
報耕桑滿野甲兵銷

詔龍灣普放水燈以燭幽暗賦水燈

持節憑夷向夕過遠分燈火出官河斗牛光動天垂野風
沈木息蛟海族樓臺休罷市鮫人機杼不停梭九泉無復悲
夜莫問南山白石歌

法會三日上之臨幸十三日天雨娑羅樹子近臣得
之以奏獻焉十四日詔皇太子諸王同觀法會賦迎

駕

千騎東華玉輦來鍾山渾勝妙高臺旌旗寶樹重重入樓閣香
雲一一開仙仗齋從三日幸春官詔許五王陪近臣共說天顏
喜收得娑羅樹子廻

和御製山居詩

釋弘道

蘇轍漢卷第十九

釋道

三

鍾山雲氣近蓬萊樓閣重重錦繡堆批率宮從天上降娑羅花
向月中開道林再世承恩澤圓悟當闕震法雷祖道一絲懸九
鼎提持全仗出羣材

大覺談玄徹九重蔚然扶起少林宗龍光照映神奎閣象教尊
崇玉几峰自昔草堂留聖踐卽今靈谷縱高踪御題詩筆昭雲
漢更覲茲山雨露濃

傳得凌霄無盡燈蘭膏烈焰愈輝騰箋經未遜洪覺範輔教直
迨嵩仲靈閉戶遍探三藏教入朝分錄兩街僧皇恩浩蕩深如
海聲價奚論十倍增

長洲顧嗣立 俠君 類編

雜伎

博戲 工藝 音樂 畫圖附

唐

幸梨園亭觀打毬應制

沈佺期

帝幸典慶池戲競渡應制

李適

幸梨園觀打毬應制

武平一

奉和興慶池戲競渡應制

徐彥伯

奉和聖製觀拔河俗戲應制

張說

勤政樓觀樂

賈至

詩林韶藻卷第二十目錄

南唐

陪元宗華林園試小妓羯鼓

宋齊丘

元

宋理宗南樓風月橫披二首

劉因

金顯宗墨竹

王恂

贈放煙火者

趙孟頫

題宋徽宗扇面

桒貫

題宋徽宗獻壽桃圖

桒貫

題金顯宗墨竹

桒貫

江東魏元德所製齊峰墨於上都慈仁殿賜文錦一首

馬潼以寵之既南歸作詩以贈云 葛邏祿庭賓

贈牋紙呂生

朱德潤

宋徽宗畫梔禽

張翥

徽廟御畫梔子白頭翁

成廷珪

題宣和畫卷

丁復

緝熙殿御製墨梅詩帖

張雨

元夕觀傀儡

釋圓至

明

徽宗畫瓶中桂花

王澤

題宋徽宗雙鴛圖

汪廣洋

詩林韻藻卷第三 目錄

端午日觀打球射柳應制二首

王直

宋徽宗畫半開梅

張翹

恭題皇上所御畫扇二首

趙用賢

應制題畫四首

于慎行

題宋徽宗山鵲圖

釋宗泐

題宣和畫石榴

無名氏

雜賦 木石 花卉 果蔬 鳥獸 蟲魚 飲食

唐

奉和詠弓

楊師道

凝碧池侍宴應制得出水槎

武三思

侍宴桃花園詠桃花應制

李 乂

侍宴桃花園詠桃花應制

徐彥伯

題殿前桂葉

盧 僊

從宴桃花園詠桃花應制

趙彥伯

桃花園馬上應制

張 說

侍宴桃花園詠桃花應制

蘇 頲

和崔黃門寓直夜聽蟬之作

張九齡

蘇侍郎紫微庭各賦一物得芍藥

張九齡

和黃門盧侍御詠竹

張九齡

左掖梨花

王 維

詩林韻藻卷中 目錄

三

左掖梨花

丘 爲

和徐侍郎叢篠詠

盧 象 一作 蔣 澳

闕下芙蓉

包 何

春霽花萼樓南聞官鶯

包 何

禁省梨花

皇甫冉

早秋望華清宮樹因以成詠

常 袞

奉和太常韋卿閣老左藏庫中假山之作

權 德 輿

題百葉桃花

韓 愈

宮燕詩

楊 巨 源

草詞畢過芍藥初開因詠紅藥當階翻詩以為一句芍
盡其狀偶成十六韻

白居易

勤政樓西老柳

白居易

紫薇花

白居易

題翰林東閣前小松

元 稹

宮柳

韓 偓

同年前虞部李郎中自長沙赴行在余以紫石研贈之

賦詩代書

韓 偓

夏五月自長沙抵醴陵貴就溪僻以便涼慵由道林之

詩林詔選卷第三 目錄

四

南步步勝絕公綠口分東入南小江山水益秀郵籬之

次忽見紫薇花因思玉堂及西掖廳前皆植是花遂賦

詩四韻

韓 偓

翫水禽

韓 偓

韻

韓 偓

玉堂種竹六韻

吳 融

南唐

侍宴賦得歸鴈

徐 鉉

秋日汎舟賦蘋花

徐 鉉

奉御札賦茱萸詩 并序

徐 鉉

奉和御製菜羹

徐鉉

北苑侍宴雜詠詩五首

徐鉉

柳枝詞十首

座中應制

徐鉉

宋

應制賦簔衣

楊朴

龍鳳茶

王禹偁

禁中庭樹

楊億

槿花

楊億

館中新蟬

楊億

鶴

楊億

詩林韻藻卷第十

五

梨

楊億

櫻桃

楊億

禁中庭樹

錢惟演

槿花

錢惟演

館中新蟬

錢惟演

梨

錢惟演

柳絮

錢惟演

荷花

錢惟演

禁中庭樹

劉筠

槿花

劉筠

館中新蟬

梨

柳絮

櫻桃

螢

館中新蟬

鶴

館中新蟬

鶴

館中新蟬

奉聖旨賦牡丹花

西垣榴花

禁中見韃紅牡丹

景福殿前柏

御柳

玉堂栽花同正孺有詩次其韻

二月望日遞宿南宮和尤延之左司郎署疎竹之韻

楊萬里

劉筠

劉筠

劉筠

劉筠

劉筠

張詠

張詠

李宗諤

任隨

劉隲

六

寇準

晏殊

歐陽修

王安石

王安石

蘇軾

金

燈碑五首

宇文虛中

應制狀元紅

應制紅粉雙頭牡丹二首

五月牡丹應制

應制白兔

宮鴉

丹陽觀竹宮中移賜

鞞子

私盃反
支起也

箸詩

春柳應制得城字

塵

詩林龍渡卷第十 目錄

元

白海青

黑馬酒

白海青

并序

寄賈搏霄乞馬乳

鹿尾

和景賢贈鹿尾

大宛二馬

糟魚

郝侯

郝侯

趙秉文

楊雲翼

雷淵

李獻能

周馳

周馳

劉微

杜充

七

劉因

劉因

袁易

邪律楚材

邪律楚材

邪律楚材

郝經

王暉

玉堂合歡花初開鄭潛昭率同院賦詩次韻

袁 楠

小院四月十二日牡丹始開乃置臺花也余將上開

作詩示瑾

袁 楠

伯長內翰與繼學內翰聯句賦畫松詩清壯偉麗備
諸家祖常實不能及後塵也仍作詩夫之焉

馬祖常

上京十詠 并序

許有壬

馬酒

秋羊

黃羊

詩林韻藻卷第三 目錄

黃鼠

帆麩

蘆菴

白菜

沙菌

地椒

莖花

酬崔御史送熊掌

虞 集

鰲峰者國史院庭中石名也伯寧御史為僕言自其先

公時與諸老名勝賦詩者蓋數百篇今玉堂無木而

史家具有之且日峰所托差低盍稍崇其址乃八月五日既克如命因賦此以報且請錄示舊詩補故事以傳云

虞集

灤陽邢君隱於藥製芍藥芽代茗飲號曰瓊芽先朝嘗以進御云

黃潛

次韻王繼學參政胡古魚編修剪燈詩

吳師道

贈貢泰甫先生牙笏詩

并序

李士瞻

海東青

陳濟淵

龍涎香

謝宗可

海蟄

謝宗可

詩林韻藻卷第三 目錄

九

寄顏經畧羊酥

貢師泰

賦得上林鴛送張兵曹

秦不華

立仗馬

張憲

楊妃韞

楊維禎

題浴馬圖

鄭韶

戲題明皇焰夜白圖

丁鶴年

明

內苑花

吳沈

都門柳

吳沈

早朝待漏題楊諭德竹

王幾

玄冕

曾榮

禁中聞鶯

章懋

和林緝熙題宜和殿臨韓幹馬

羅倫

宮柳

石瑤

欠克温南宮賞魏花

儲璫

縱禽

沈周

京館聞鶯

祝允明

御苑秋砧

田汝棟

宮柳

陳沂

放內苑諸禽

陳沂

詩林詠藻卷第三 目錄

朝鴉

汪玄錫

正陽城樓西角二鷺巢焉

皇甫汈

上張燈後苑以麥燈居中吾州所產也

王士騏

和顧汝和玉河見白燕二首

歐大任

萬曆五年春有獻五色鸚鵡者詔入之恭賦二首

沈明臣

應制賦禁中柳絮

潘緯

瑞蓮應制二首

潘緯

早入承天門見鴉次韻

嚴嵩

應制題扇

申時行

燭淚

申時行

大內蓮花

王衡

聯句

唐

兩儀殿賦柏梁體聯句

十月誕辰內殿宴羣臣效柏梁體聯句

景龍四年正月五日移仗蓬萊宮御大明殿會吐蕃騎

馬之戲因重爲柏梁體聯句

賜黎李泌與諸王聯句

夏日與柳公權聯句

詩林韻藻卷下

目錄

十一

瀑布聯句

元

南城校文聯句

集句

宋

集古十首

聞人祥玉

元

入安南以官事未了絕不作詩清明日感事因集句成
十絕奉呈貢父尚書并示世子及諸大夫篇篇見寒食

陳孚

春詞集句

鄭氏允端

長洲顧 嗣立 依君 類選

雜伎 博戲 工藝 音樂 畫圖附

幸梨園亭觀打毬應制 唐沈佺期

今春芳苑遊接武上瓊樓宛轉繁香騎飄飄拂畫毬俯身迎未

落廻轡遂傷流祗爲看花鳥時時誤失籌

帝幸興慶池戲競渡應制 李適

拂霧金輿丹旆轉凌晨黼帳碧池開南山倒影從雲落北澗搖

光爲溜一作浪廻急槳一作舸爭標排苕度輕帆截浦觸荷來橫汾

宴鑄歡無極歌舞年年聖壽杯

詩林韶藻卷第二十 雜伎

幸梨園觀打毬應制 武平一

今節重遨遊分鑣戲綵毬驂蹕廻上苑蹀躞繞通溝影就紅塵

沒光隨楮汗流賞闌清景暮歌舞樂時休

奉和興慶池戲競渡應制 徐彥伯

夾道傳呼翊翠虬天廻日一作地轉御芳洲青潭曉靄籠仙蹕紅

幘晴花隔綵旒香溢金杯環廣坐聲傳一作播妓細柳中流羣臣

相慶嘉魚樂共晒橫汾歌吹秋

奉和聖製觀拔河俗戲應制 張說

今歲好拖鉤橫街敞御樓長繩繫日住貫索挽河流關力類龍

鼓爭都更上籌春來百種戲天意在宜秋

銀河帝女下三清紫禁笙歌出九城爲報延州來聽樂須知天
下欲昇平

陪元宗華林園試小妓羯鼓
南唐宋齊丘

切斷牙牀鏤紫金最宜平穩玉槽淡日逢淑景開佳宴爲出花
奴奏雅音掌底輕瓊孤鵲噪枝頭乾快亂蟬吟開元天子曾如
此今日將軍好用心

宋理宗南樓風月橫披二首
元劉 因

試聽陰山勅勒歌朔風悲壯動山河南樓煙月無多景緩步微
吟奈爾何

詩林韶選卷第二 雜伎

二

物理興衰不可常每從氣韻見文章誰知萬古中天月只辦南
樓一夜涼
理宗自題絕句其上右并作南樓一夜涼
之句才到天中萬國明宋太祖月詩也

全顯宗墨竹
王 惲

離離香粉淡爭妍莫作荒寒景趣看絕似承華宮檻畔春風和
露溼闌干

贈放煙火者
趙孟頫

人間巧藝奪天工鍊藥燃燈清書同柳絮飛幾鋪地白桃花落
盡滿階紅紛紛燦爛如星隕燿燿喧歷似火攻後夜再翻花上
錦不愁零亂向東風

題宋徽宗扇面

瑤池池上萬芙蓉孔雀聽經水殿虛扇影已隨鸞影去輕紗
得瘦金書

題宋徽宗獻壽桃圖

柳貫

青鳥銜書昨夜來蟠桃如斗核如杯蓬萊殿上三千壽不及春
風夢已回

題金顯宗墨竹

柳貫

海潤星輝大定年生綃筆筆寫蒼煙若爲夢裏篔簹谷直到洋
州雪後邊

江東魏元德所製齊峰墨于上都慈仁殿賜文錦一作
馬湏以寵之既南歸作詩以贈云 葛邏祿迺賢

詩林韻藻卷第三 雜伎

三

錦襲玄圭瑩龍香祕閣浮漬毫春黛溼拂楮翠雲流繡綺頌宮
掖瓊漿出殿頭小臣沾雨露千載荷恩休

贈牋紙呂生

朱德潤

玉肌勻膩粉初乾淡淡空青印碧闌曉日長楊新賦就墨雲時
度玉螭寒

宋徽宗畫梔子

張翥

龍沙翳斷夢華空遺墨婁涼扇面中三十六宮恩怨盡裏無花
烏訴秋風

徽廟御畫梔子白頭翁

成廷珪

梔子紅時人正愁故宮衰草不勝秋西風冷落青城月帝得山

俞也白頭

題宣和畫卷

丁復

澹意芙蓉外，閑情翡翠邊。波翻太液水，分送向南船。

緝熙殿御製墨梅詩帖

張雨

宣和妙賞緝衣句，傳在夸門作勝談。行殿春風四十載，玉妃終老向江南。

元夕觀傀儡

釋圓至

錦繡叢裏鬪腰支，記得京城此夕時。一曲太平錢舞罷，六街人唱看燈詞。

徽宗畫瓶中桂花

明玉澤

詩林韻藻卷第十 雜佔

四

玉色宮瓶出內家，天香誰貯月中花。六宮只愛新涼好，不道金風卷翠華。

題宋徽宗雙丸圖

汪廣洋

蘆葉青青水滿塘，文苑晴臥落花香。不因羌管驚飛起，三十六宮春夢長。

端午日觀打毬射柳應制二首

王直

玉勒千金馬，瑠文七寶毬。鞞飛驚電掣，仗奮覺星流。歡過咸三捷，歡傳第一籌。慶雲隨逸足，繚繞殿東頭。

楊柳綠含滋，瑠弓縱射時。向風飛白羽，和露折青絲。盤路精光動，旌門午漏遲。營前擗鼓急，捷報萬人知。

上皇朝罷酒初酣寫出梅花蕊半含惆悵汴宮春去後一枝流
落到江南

恭題皇上所御畫扇二首

趙用賢

花鳥芳菲禁苑中畫圖省識見春風香飄蘭氣千莖碧日麗葵

心萬朶紅當暑移來看皎潔自天恩處轉青蔥鶴鳴原上休相

意已荷皇仁祝網同

右詠鶻鸞
葵蘭二花

春城駘蕩日初長白燕雙飛度苑牆千樹曉霞迷香艷一簾清

雪泛梨香迴風舞共花爲雨帶月看來羽作裳莫向昭陽營舊

壘君王原薄漢宮妝

右詠白燕
梨杏二花

詩餘詔籙卷第三

雜伎

五

應制題畫四首

有引

于慎行

萬曆戊寅正月上出內府畫冊二十六幅命日講六臣分題

奏上各賜銀豆一包時同事者宮詹吳門申公宮諭信陽何

公宮洗新都許公宮贊武陵陳公翰撰南充陳公也余分得

四題如左

輕綃寒色動不是月華開鳥道千巖迴江光一徑迴虛無分玉

樹彷彿想瑤臺未擬歌黃竹陽春徧九垓

右雪景

瀟瀟一幅上秋

氣滿楓林半似隨風引全疑夾霧陰遠峰看處暝疎樹望來深

筆底煙雲色爭知用作霖

右煙雨

筆端成大造海鳥若相忘暮雨

汀莎溼春風岸芷香柳邊迷落絮雲裏帶飛霜總爲經天藻長

留羽翰光右汀渺彼榆枋翼丹青畫作真靜眠官草日

花春顧影驕金距逢場上錦茵非同珠樹鳥獨用羽毛珍木

題宋徽宗山鵲圖

釋宗泐

落日黃塵五國城中原回首幾含情已無過雁傳家信獨有松
枝喜鵲鳴

題宣和畫石榴

無名氏

金風吹綻絳紗囊零落宣和御墨香僧喜樹頭霜露少南枝有

子毀秋光

雜賦木石 花卉 果蔬 鳥獸 蟲魚 飲食

奉和詠弓

唐楊師道

詩林韶濩卷第三 雜賦

六

霜重麟膠勁風高月影圓烏飛隨帝輦雁落逐鳴弦

凝碧池侍宴應制得出水槎

武三思

彼木生何代為槎復幾年欲乘銀漢曲先泛玉池邊擁溜根橫

岸沈波影倒懸無勞問蜀客此處即高天

侍宴桃花園詠桃花應制

紀事云張仁亶至自朔方軍中宗迓之宴于桃花園

李 父

綺萼成蹊遍 芳紅英撲地滿筵香莫將秋宴傳王母來比春

華壽聖皇

侍宴桃花園詠桃花應制

徐彥伯

原水叢花無數開丹跗紅萼間青梅從今結子三千歲預壽仙

遊復摘來

題殿前桂葉

盧儼

桂樹生南海芳香隔楚一作遠山今朝天上見疑是月中攀

從宴桃花園詠桃花應制

趙彥伯

紅萼競然春苑曙一作一作茸新色一作吐御筵開長奉願奉西王

謙近侍慚無凍朔才

桃花園馬上應制

張說

林間豔色駭天馬苑裏濃華一作一作伴麗人願逐南風飛帝席年

年含笑舞青春

侍宴桃花園詠桃花應制

蘇頌

詩林詔漢卷第十 雜賦

七

桃花灼灼有光輝無數成蹊點夏飛為見芳林含笑待遂同溫
樹不言歸

和崔黃門寓直夜聽蟬之作

張九齡

蟬嘶玉樹枝向夕惠風吹幸入連宵聽應緣飲露知思淡秋欲
近聲靜夜相宜不是黃金飾清音徒爾為

蘇侍郎紫微庭各賦一物得芍藥

張九齡

仙禁生紅藥微芳不自持幸因親切地還遇豔陽時名見桐君
蘇香聞鄭國詩孤根若可用非直愛華滋

和黃門盧侍御詠竹

張九齡

清切紫庭垂葳蕤防露枝色無玄月變聲有惠風吹高節人相

重虛心世所知鳳皇佳可食一去一來儀

左掖梨花

王維

閑灑階邊草輕隨箔外風黃鸝弄不足銜入未央宮

左掖梨花

丘爲

冷豔全欺雪餘香乍入衣春風且莫定吹向玉階飛

和徐侍郎叢篠詠

盧象

一作蔣渙

中禁夕沈沈幽篁別作林色連雞樹近影落鳳池深爲重凌霜節能虛應物心年年承雨露長對紫庭陰

闕下芙蓉

包何

一人理國致昇平萬物呈祥助聖明天上河從闕下過江南花

詩林韶蕩卷第十

雜賦

八

向殿前生慶雲垂蔭開難落湛露爲珠滿不傾夏對樂懸張篋簾一作冥處歌工欲奏採蓮聲

春霽花萼樓南聞官鶯

包何

辟煙瑞氣曉來輕柳變花開共作晴黃鳥遠嘯鳩鵲觀春風流

出鳳皇城

禁省梨花

皇甫冉

巧解迎人笑還能亂蝶飛春風時入省幾片落朝衣

早秋望華清宮樹因以成詠

常袞

一作盧綸

可憐雲木叢滿禁碧濛濛色潤靈泉近陰清輦路通玉璫標八

柱金井識雙桐交映疑寒露相和起夜風數枝盤石上

雲中燕拂宜秋霽蟬鳴覺晝空翠屏更隱見珠綴共玲瓏
生成早樵蘇禁令雉野藤齊助綠仙果迴皇紅惆悵繚垣暮
山聞暗蟲

奉和太常韋卿閣老左藏庫中假山之作

權德輿

春山仙堂百花開九棘腰金有上才忽向庭中摹峻極如從洞
裏見臨同小松已負千霄壯片石皆疑縮地來都內今朝似方
外仍傳麗句寄雲臺

題百葉桃花

韓愈

百葉雙桃晚更紅窺窗映竹見玲瓏應知侍史歸天上故伴仙

蘇韶漢卷第三

雜賦

九

郎宿禁中

宮燕詩

楊巨源

毛衣似錦語如弦日煖爭高綺陌天幾處野花留不得雙雙飛
向御鑪前

揀貢橘書情

白居易

洞庭黃橘揀宜精太守勤王請自行珠顆形容隨日長瓊漿氣
味得霜成登山敢愆驚駘力望闕難伸蠅蟻情踈賤無由親跪
獻願憑朱實表丹誠

草詞畢遇芍藥初開因詠紅藥當階翻詩以爲一句未

盡其狀偶成十六韻

白居易

罷草紫泥詔起吟紅藥詩詞頭封送後花口拆開時坐對
久行觀步履遲兩三叢爛熳十二葉參差背日房微歛當階采
旋歛釵葦抽碧股粉蕊撲黃絲動蕩情無限低斜力不支周廻
看未足比諭語難爲勾漏丹砂裹焦僥火焰旗形雲賸根蒂絳
憤欠纓綬况有晴風度仍兼宿露垂凝香熏卷盡似凝著胭脂
有意留連我無言怨思誰應愁明月落如恨隔年期菡萏泥蓮
蓼攷魂刺繞枝等量無勝者唯眼與心知

勤政樓西老柳

白居易

半折臨風樹多情立馬人開元一株柳長慶二年春

紫薇花

白居易

詩韶漢卷第三

雜賦

十

絲綸閣下文章靜鐘鼓樓中刻漏長獨坐黃昏誰是伴紫薇花
對紫薇郎

題翰林東閣前小松

元稹

簷礙修鱗亞霜侵簇翠黃唯餘入琴韻終待舞弦張

宮柳

韓偓

莫道秋來芳意違宮娃猶以妒蛾眉幸當玉輦經過處不怕金
風浩蕩時草色長承垂地葉日華先動映樓枝澗松亦有凌雲
分爭似移根太液池

同年前虞部李郎中自長沙赴行在余以紫石硯贈之

賦詩代書

韓

斧柯新樣勝珠璣堪贊星郎柴翰時不向東垣修五疏印西
掖草妍詞紫光稱近丹青筆聲韻宜裁錦繡詩蓬島侍臣今放
逐羨君迴去逼龍墀

夏五月自長沙抵醴陵貴就溪僻以便疎慵由道林之
南步步勝絕去綠口分東入南小江山水益秀邨籬之
次忽見紫薇花因思玉堂及西掖廳前皆植是花遂賦
詩四韻聊寄知心

韓偓

職在內庭宮闕下廳前皆種紫薇花眼明忽傍漁家見魂斷方
驚鳳闕賒淺色暈成宮裏錦濃香染著洞中霞此行若遇支機
石又被君平驗海查

詩林韻藻卷第十

雜賦

十一

香水禽

韓偓

兩兩珍禽渺渺溪翠襟紅掌淨無泥向陽眠處莎成毯踢水飛
時浪作梯依倚雕梁輕社燕抑揚全距笑晨雞勸君細認漁翁
意莫遣絃羅誤穩棲

鵲

韓偓

偏承雨露潤毛衣黑白分明眾所知高處營巢親鳳闕靜時閑
語下龍墀化爲金印新祥瑞飛向銀河舊路岐莫恠天涯棲不
穩託身須是萬年枝

玉堂種竹六韻

吳融

當砌植檀欒濃陰五月寒引風穿玉牖搖露滴金盤有韻和宮

漏無香雜晚蘭地凝雲鑲易日近雪封難靜稱圍碁會開
筆看他年終結實不美樹棲鸞

侍宴賦得歸雁

南唐徐鉉

夜靜羣動息翩翩一雁歸清音天際遠寒影月中微何處雲同
宿長空雪共飛陽和常借便免與素心違

秋日汎舟賦蘋花

徐鉉

素豔擁行舟清香覆碧流遠煙分胸的輕浪汎悠悠雨歇平湖
滿風涼運續秋今朝流詠處卽是白蘋洲

奉御札賦茱萸詩

并序

徐鉉

御札新酒初熟偶與鄭王諸公開嘗於清宴堂庶之間旣覽

詩林韶麗卷第十

雜賦

十三

秋物復矚霜殘因賦茱萸一題以遣此時之興卿鴻才敏思
不可獨醒宜應急徵同賦前旨翰林學士臣徐鉉進詩云

萬物慶西成茱萸獨擅名房排紅結小香透夾衣輕宿露霑猶
重朝陽照更明長和菊花酒高宴奉西清

奉和御製茱萸

徐鉉

臺畔西風御果新芳香精彩麗蕭辰柔條細葉妝治好紫帶紅
芳點綴勻幾朶得陪天上宴千枝長作洞中春今朝聖藻偏流
詠黃菊無由爽敢鄰

北苑侍宴雜詠詩五首

徐鉉

動節生宮苑虛心奉豫遊自然名價重不羨渭川侯
細韻風

中遠寒青雪後濃繁陰堪避雨 用荷東封 秘 碧草垂低岸

風起細波橫汾從遊宴河謝到天河 水 昨朝纔解凍今日又開

花帝力無人識誰知玩物華 風 細麗披金彩氛氲散遠馨汎杯

以奉賜緣解制頽齡 菊

柳枝詞十首 座中 應制

徐鉉

馬詞臣賦小詩梨園弟子唱新詞君恩還似東風意先入靈

和蜀柳枝

百草花共待春綠楊顏色最驚人天邊雨露年年在上苑芳

華歲歲新

長愛龍池二月時毵毵金線弄春姿假饒葉落枝空後更有梨

詩林韻藻卷第三 雜賦

三

園笛裏吹

綠水成文柳帶搖東風初到不鳴條龍舟欲過偏畱戀萬縷輕

絲拂御橋

百尺長條泥麴塵詩題不盡畫難真憑君折向人問種還似君

恩處處春

風暖雲開晚照明翠條深映鳳皇城人間欲識靈和態聽取新

詩玉管聲

醉折垂楊唱柳枝金城三月走金羈年年爲愛新條好不學蒼

華也是絲

新春花柳競芳姿偏愛垂楊拂地枝天子偏教詞客賦宮中要

凝碧池頭蘸翠漣鳳皇樓畔簇晴煙新詩欲詠知難詠說與
成入管絃

侍從甘泉與未央移舟偏要近垂楊櫻桃未綻梅花老折得柔
條百尺長

應制賦簞衣

宋楊朴

軟綠柔藍著勝衣倚船吟釣正相宜蒹葭影裏和煙臥菡萏香
中帶雨披狂脫酒家春醉後亂堆魚舍晚晴時直饒紫綬金章
貴未肯輕輕博換伊

龍鳳茶

王禹偁

詩林韻藻卷第三

雜賦

十四

標標龍鳳號題新賜得還因作近臣烹處豈期商嶺水碾時空
想建溪春香于九畹芳蘭氣圓似三秋皓月輪愛惜不嘗惟恐
盡除將供養白頭親

禁中庭樹

楊億

直幹依金闥繁陰覆綺楹珠晨露重嚶管夜蟬清霜桂丹丘
路星榆北斗城歲寒徒自許蜀柳笑孤貞

瑾花

楊億

宿霧初披靄晨霞暫照梁千金經換笑七駕未成章塵暗神妃
襪衣殘侍史香淡情傳寶瑟終古怨清湘

碧城青閣好追涼高柳新聲逐吹長貴伴金貂尊漢相清
露怨齊王蘭臺密侍初成賦河朔歡遊正舉觴雲鬢翠綉徒自
許先秋楚客已回腸

鶴

楊億

長望青田碧草齊帝鄉歸路阻丹梯露濃漢苑宵猶警雪滿梁
園畫乍迷瑞世鸞皇徒自許繞枝烏鵲未成棲終年已結雲羅
恨忍送西樓曉月低

梨

楊億

繁花如雪早傷春千樹封侯未是貧漢苑漫停盧橘賦驪山曾
識荔支塵九秋青女霜添味五夜方諸月溜津楚客狂醒朝已
醒水風猶自獵汀蘋

詩林詔選卷第三

雜賦

五

櫻桃

楊億

離宮時薦罷樂府豔歌新石髓凝秦洞珠胎剖漢津三桃聊竝
列百果獨先春清籟來君賜雕盤助席珍甘餘應受和圓極豈
能神楚客便羊酪歸期負紫萼

禁中庭樹

錢惟演

繁闈分陰地丹條擢秀時高枝接溫樹密葉覆辛夷夜影瑤光
接晨英玉露滋乘春好封殖爲賦角弓詩

槿花

錢惟演

綺霞初結處珠露未晞時寶樹寧三尺華燈更九枝亭亭方自

喜黯黯却成悲欲作非煙散猶憐反照遲

館中新幃

錢惟演

冉冉光風泛紫蘭新聲含怨日將殘自憐伴雀成團扇誰許迎
秋集武冠委蛻亭皋隨木葉飛綵雲表拂仙盤青茵玉樹連金
爵不覺醯雞競羽翰

梨

錢惟演

紫花青蒂壓枝繁秋實離離出上闌東海圓珪無柰碧賺州甜
雪不勝寒已憂仙佩懸珠重憂恐金刀切玉難自與相如解瘠
渴何須瓊藥作朝飧

柳絮

錢惟演

詩林韶漢卷第十

雜賦

十六

三月江南花漸稀春陰漠漠雪霏霏章臺街裏翻輕吹灞水橋
邊送落暉陸凱傳情梅暗落韓憑遺恨蝶爭飛詔書漫道吹綸
芍誰見紛紛上客衣

荷花

錢惟演

小闌雨蕭蕭風微影自搖徐娘羞半面楚女妒纖腰別恨拋深
浦遺香逐畫橈華燈連霧夕鈿合映霞胡淚有鮫人見魂須索
一招凌波終未度疑待鵲爲橋

禁中庭樹

劉筠

羽葉籠盤石虬枝拂畫堂夜聲含素瑟曉影逼扶桑好借鸞爲
瑞無容麝損香寧知千載後祇美召公棠

槿花

劉筠

紫霧自燈檠形霞逼綺寮吳官何薄命楚夢不終朝半被曾羞
問鄰牆却悔招莫移風雨怨更屬鶻爲橋

館中新蟬

劉筠

屋中嘉樹發華滋可要螳螂共此時翼薄乍舒官女鬢脫輕全
解羽人口風來玉女鳥先轉露下金莖雀未知日永聲長兼夜
思宵容潘岳到秋悲

梨

劉筠

玄光仙樹阻丹梯御宿嘉名近可齊真定早寒霜葉薄樊川初
曉露枝低先時櫻熟煩羊酪遠信梅酸損瓠犀家玉有情終未

詩林詠藻卷第十 雜賦

七

識杯漿無柰楚魂迷

柳絮

劉筠

半減依依學轉蓬班騅無奈恣西東平沙千里經春雪廣陌三
條盡日風北斗城高連蟻蠓甘泉樹密蔽青茵漢家舊苑眠應
足豈覺黃金萬縷空

櫻桃

劉筠

赤水分珠樹薰風送麥秋蜀都春氣早漢苑夏陰稠廟薦清和
候恩頒侍從流楚昭蘋已剖韓嫣彈爭投沉瀝滋芳液醜醜助
品羞玉盤光宛轉金擬付歌喉

螢

劉筠

葦郊多腐草故苑近清秋棘密何勝數囊輕莫盡收月高
息天遠認星流紫桂風微急紅蘭露徧浮已能穿永巷更欲拂
高樓滅燭方無寐鳴蛩相薦愁

館中新蟬

張詠

脫塵還與比仙遊露腹何妨近品流嫩殼半遺紅藥地細聲偏
傍綠楊樓詩家取象吟難盡畫格偷真意不休正好儒林擬綉
拂憑君無苦預悲秋

崔

張詠

共憐潔白本天姿縱在泥塵性不卑况是稻梁厭足日好尋煙
月却歸時跡參詩雅何年盡名系仙經四海知應到崑山指來

詩林詔漢卷第十

雜賦

文

歷會陪妃驚浴華池

館中新蟬

李宗誥

兩過新聲出苑牆煙輕餘韻度回塘短亭疎柳臨官道平野西
風爽夕陽入斗陳思饒賦詠二毛潘岳易悲涼感時偏動騷人
思不問天涯與帝鄉

崔

任隨

何年玉羽別崑丘飛舞長親十二樓警露夜窺瑤圃月翔雲高
憶海天秋肯教渠畧知遐壽會向神區更遠遊正是溶溪煙水
碧好陪青鳳飲澄流

館中新蟬

劉鷟

搖落何須宋玉悲齊庭遺恨莫沾衣池中菡萏香全減井上桐葉乍飛風促箏聲隨斷續日移輓影自光輝宜秋門外饒芳樹結駟那堪送客歸

奉聖旨賦牡丹花

寇準

栽培終得近天家獨有芳名出衆花香遞曠風飄御座葉籠輕
露曉明霞縱吟宜把紅牋擘留賞惟張翠幄遮
羨覺待臣千載
幸許隨仙仗看濃華

西垣榴花

晏殊

山木有甘實托根清禁中歲芳搖落盡獨自向炎風

禁中見鞞紅牡丹

歐陽修

詩林詔藹卷第十

雜賦

九

盛遊西洛方年少晚落南譙號醉翁白首歸來玉堂署一作君

王殿後見鞞紅

景福殿前柏

王安石

香葉由來耐歲寒幾經真賞駐鳴鑿根通御水龍應蟄枝觸宮
雲雀更盤桓石誤崇三品號老松先得大夫官知君勁節無榮
慕寵辱紛紛一等着

御栴

王安石

御栴新黃已逆條宮溝薄凍未全消人間今日春多少祗看東
方北斗杓一作習習春風拂柳條御溝春水已冰
消欲知四海春多少先向天邊問斗杓

玉堂栽花同正孺有詩次其韻

蘇軾

故山桃李半荒榛粗報君恩便乞身竹簟暑風招我老玉堂
藥爲誰春纖纖翠蔓詩催發皎皎霜芭髮鬪新只有來禽青杏
帖他年留與學書人

二月望日遞宿南宮和尤延之左司郎署疎竹之韻

楊萬里

此君見我眼猶青笑我銀髭雪點成憶昔與君同舍日感渠將
作秋聲夜來遞宿三更悄葉底春寒一倍生夢入故園數新
苔籬邊破蘚幾莖橫

燈碑五首

金字文虛中

清陰靄靄匝城闔萬井熙熙桃李春紫陌傳呼旌旆出重臣新

詩林詔囊卷第三

雜賦

三

佩玉騏驎

鍾軸天章拜異恩驪驂花騎映朝曦手持金鑰千門肅官盛東

宮二品尊

壘原清照白登山彌隴連天麥浪寒劒戟漸消農器出人家只

識勸農宮

九夏南風入舜琴恩風澤雨浹飛沈陪京最是儀刑地先識君

王解愠心

枹鼓無聲訟獄空歡謠擊壤萬家同時人共解班春意兵寢刑

清第一功

應制狀元紅

郝俛

仙苑奇葩別曉妝，綵衣香拂御爐風。巧移傾國無雙豔，應費司
花第一功。天上異恩深雨露，世間凡卉謾鉛紅。情知不逐春歸
去，常在君王顧盼中。

應制紅粉雙頭牡丹二首

郝俟

卿雲分瑞兩嬈然，鏡裏妝成穀雨天。曉日倚闌閒妬豔，春風捲
翠兩駢肩。水南水北何曾見，桃葉桃根本自仙。夢想沈香亭北
檻，畧修花譜記芳妍。

春心應嫌芍藥遲，一枝分秀伴雙蕤。並肩翠袖初酣酒，對鏡紅
妝欲鬪奇。上苑風煙工獻巧，中天雨露本無私。更看嫩倚人間
端，百里黃雲麥兩岐。

詩林韻藻卷第十

雜賦

五月牡丹應制

趙秉文

好是天工養露芽，陽和趁及六龍車。天香護日迎朱輦，國色留
行翠華。穀雨曾霑青帝澤，熏風又卷赤城霞。金盤薦瑞休嗟
老，猶是人間第一花。

應制白兔

楊雲翼

聖德如天物効祥，楊天新賜雪衣裳。光搖玉斗三千丈，氣傲金
風五百霜。禁籞合棲瑤草影，御爐猶認桂枝香。中興慶事光圖
牒，黼坐齊稱萬壽觴。

宮鴉

雷淵

萬樹瓊芳鎖漢宮，羣鴉容與五雲中。曙光先背朝陽日，春

呼禁鏡風青鬢巧梳欣一色秀眉學畫鬪新工鳳樓未訂
切愁滿長門信未通

丹陽觀竹宮中移賜

李獻能

素士如林待紫清紫清新許住蓬瀛娟娟粉節霜勻出蠹蠹
精玉削成福地根莖蒙化育中天雨露借恩榮綠章封事朝來
奏又聽鳳前彩鳳鳴

穀子

私盍反
支起也

周 馳

勿以微才棄安危任不輕誰憐一片小能使四方平凡案由吾
子或孟免爾領何當遇夷坦沈默更何營

箸詩

章廟御題
限紅字韻

周 馳

詩林詔漢卷第十

雜賦

三

矢束形何短籌分色盡紅駢頭斯効力失偶竟何功比數榮孟
側經營指掌中烝豚挑項變湯餅拌油茵正使遭讒口何嘗廢
直躬上前如許借猶足沃淵表

春枰應制得城字

劉 微

翠紐圓勻綠綠輕著行排立弄新晴更看三月春風裏散作飛
花滿鳳城

塵

杜 克

汨汨勞生爲爾忙只除不到白雲鄉步回洛浦生羅襪歌斷秦
樓簾杏梁閒撲衣襟迷遠望靜穿窗隙鎖斜陽帝城別有風流
在輦路春風十里香

扶餘玉爪舊曾聞青鳥猶露海氣昏掌上風標有如此眼中神
駿更憐君平燕未灑頭鵝血春水難開獵騎門過雁昏鴉莫回
首霜拳高興在空雲

黑馬酒

劉因

仙路誰誇有太玄漢家桐馬亦空傳香來乳面人如醉力盡皮
骨味始全千尺銀鬃開曉宴一杯瑤露灑秋天山中喚起陶弘
景轟飲高歌救勒川

白海青并序

袁易

尚方有賜江浙省臣白海青者杭州人士美以歌詩徵余同

詩林韶濩卷第十 雜賦

三

沈沈東溟刷羽翰乍隨天馬萬人觀孤飛雪點青雲破一擊秋
才十字寬賜予豈將追雁鷺驅除直欲辨鳥鸞江南明月難同
色空夢想瑤階白露溥

寄賈搏霄乞馬乳

耶律楚材

八馬西來讓玉漿草囊傾處酒微香長沙莫吝西江水文舉林
空北海觴淺白痛思瓊液冷微甘酷愛蔗漿涼茂林要灑塵心
渴願得朝朝賜我嘗

鹿尾

耶律楚材

鑿輿秋獮獵南岡鹿尾分甘賜尚方濃色殷殷紅玉髓微香護

酸紫瓊漿韭花酷辣同蔥薤芥屑差辛類桂薑何似理椒
液邀將詩客大家嘗一作流匙滑飯大家嘗

和景賢贈鹿尾

耶律楚材

暮長楊獵騎歸西風弓硬馬初肥今年鹿尾休嫌少且喜君

二不合圍

大宛二馬天廐所有諳錫張蔡公

郝經

雪飄飄萬里來玉花蕭颯上金臺風生兩耳雲霄近電掣雙

陸月開渥水虎文連殺氣大宛龍種絕氛埃將軍正欲成勳

業有汝駢騰展驥才

糟魚

王暉

詩林詔漢卷第三 雜賦

雲刀截斷玉腴芳暎貯銀罌釀粉漿錦尾帶頰傳內品金盤堆

玉喜初嘗解醒未減黃柑美雋味能欺紫蟹香一筋饜餘乘醉

臥夢橫滄海聽鳴榔

玉堂合歡花初開鄭潛昭率同院賦詩次韻

袁桷

一樹高花冠玉堂知時舒卷欲雲翔馬嘶不動游纓聳雉尾柳

開翠扇張舊渴未須餐玉屑嘉各端合紀青裳雲窗霧冷文書

靜畱取餘清散遠香崔豹古今注青裳一名合歡今但各合歡而青裳之名不著

小院四月十二日牡丹始開乃單臺花也余將上開平

作詩示瑾

袁桷

晚風吹雨佐花開送我灤陽第四迴內院賜會傳側帶

側帶小 江南畫不數重臺 徐熙牡丹無重瓣者至崇嗣始有

黃抱紫傳真設媿白抽青陋小才自是妖紅居第一他年折桂

莫驚猜 韓魏公牡丹詩自慙折桂輪先手羞殺

伯長內翰與繼學內翰聯句賦畫松詩清壯偉麗備體

諸家祖常實不能及後塵也仍作詩美之焉

馬祖常

吳絹水絲白奏封石髮青沐華浮雀露戩景蔽鶉星刻畫風雲

狀雕鏡鳥獸形哦詩鏗玉署集句燦珠經輝輝舒光氣沈沈逐

杳冥離歌三疊唱凱奏萬鏡聽肅穆官師位雍容樂舞庭江花

詩林韻藻卷第三 雜賦

三

春豔豔山竹雪亭亭自笑如塵俗懷慚似酒醒無因題琥珀有

去對鷓鴣

上京十詠 并序

許有壬

元統甲戌分臺上京飲馬酒而甘嘗為作詩丁丑分省日長

多暇因數土產可紀者尚多又賦九題并舊作為上京十詠

云

馬酒

味似融甘露香疑釀醴泉新醉撞重白絕品挹清玄驥子飢無

乳將軍醉臥瓊桐宮聞漢史鯨吸有今年

秋羊

塞上寒風起庖人急尚供戎鹽春玉碎肥芥壓花重肉淨燕
透膏凝琥珀濃年年神御殿頒餽每霑儀

黃羊

草美秋先脂沙平夜不藏解條文豹健鬪炙宰夫忙有肉須供
世無魂亦似麀少年非好殺假爾試穿腸

黃鼠

北產推珍味南來怯陋容瓠肥宜不武人拱若爲禁發掘憐禽
獨招徠或水攻君母急盤饌幸自不穿墉

楓麩

坡遠花全白霜輕實便黃杵頭楚退墨砲齒雪流香玉葉翻盤

詩林韻藻卷第三

雜賦

三六

薄銀絲出漏長元宵貯膏火蒸墨笑南香

南鄉蕎麥黑甚熟則
堅實若瓦石可代陶

蓋貯
膏火

蘆葍

性質宜沙地栽培屬夏畦熟登甘似芋生薦脆如梨老病消凝
滯奇功直品題故園長尺許青葉更堪塗

白菜

土羔新且嫩筐筥薦紛披可作青葙飯仍攜玉版師清風牙頰
響真味士夫知南土稱秋末投簪要及時

沙菌

沙平膏潤足餉產惜英華帳脚駢遮地此物喜生車帳卓成之
地夏秋則環繞其

釘頭怒戴沙齋廚供玉食
毳索出瓊車莫作垂涎想
家園有莫邪

地椒

凍雨催花紫輕風散野香
刺沙尖葉細敷地亂條長
楚客收成裏奚童擷滿筐
行厨供草具調鼎爾非良

韭花

西風吹野韭花發滿沙陀
氣枝葦蔬媚功於肉食多
濃香跨薑桂餘味及瓜茄
我欲收其實懸山種澗阿

酬崔御史送熊掌

虞集

熊掌來東國分甘劉老夫
鸞刀寒斷節翠釜燻柔膚
兔脫中山

詩林韻藻卷第三

雜賦

三十一

醢魚藏丙穴腴蒸腸渾未厭
玉食恐時須

鼇峰者國史院庭中石名也
伯寧御史爲僕言自其先

公時與諸老各勝賦詩者蓋
數百篇今玉堂無本而御

史家具有之且曰峰所托差
低盍稍崇其址乃八月五

日旣克如命因賦此以報且
請錄示舊詩補故事以傳

云

虞集

視草堂前石一拳何人移置
自何年久憐翠色連重地故
拔孤根近九天俯仰百年承
雨露等閑千尺接雲煙故家
御史遺書在爲錄鼇峰舊賦篇

灤陽邢君隱於藥製芍藥芽代茗飲號曰瓊芽先期嘗

以進御云

黃潛

芳苗簇簇徧山阿，玉蕾珠芽未足多。
千載茶經有遺恨，吳儂元不過灤河。

春風北苑鬪時新，萬里函封效貢珍。
羨爾託根天尺五，不勞飛騎走紅塵。

次韻王繼學參政胡古愚編修翦燈詩 吳師道

剡渚推冰紙并州翦水刀，輕明新雅製麗巧。
極纖毫，不讓琉璃。貴渾疑錦繡，縠紋縈細，縠疊縷引長綵。
花草形相錯，鵷鸞勢欲翻騰，光宜秉炬透色賤。塗膏愛著詩聯綴，嫌逢騎驛騷香風。
翻玉帶華月湧雲，壽良夕娛佳賞，元臣念小勞。都人應共樂歌。

詩林詔漢卷第十

雜賦

天

舞送春醪

贈貢泰甫先生牙笏詩 并序

李士瞻

牙笏一張長勁且闊，古所謂記事之笏也。聊爲從者之贈詩，以志懷不勝增感。

象簡霜凝重蒼髯，雪色新轉輪勞算。用報荅費經綸扶病朝，明主臨軒問老臣。此時江海上人已厭風塵。

海東青

陳濟淵

怒挾孤風海外來，修翎如劍斫雲開。潛身陟縮千尋起，得意雄攀一點回。萬里老拳無脫腦，滿鞴英氣不凡材。山梭野雉休回

首，神物無心到草萊。

龍涎香

謝宗可

瀛島蟠龍玉吐涎輕氛飛遶博山青
暝浮蛟窟潮聲怒清微驪
官蟄睡醒碧腦盈箱收海氣紅薇
滴露洗雲腥兩窗篝火濃熏
被夢駕蒼鱗上帝庭

海蕓

謝宗可

層濤擁沫綴蝦行水母含秋孕地靈
海氣凍凝紅玉脆天風寒
結紫雲腥霞衣褪色冰涎滑瑤縷
烹香酒力醒應是楚宮萍實
老誤隨潮信落滄溟

寄顏經畧羊酥

貢師泰

三山五月尚清寒新滴羊酥東玉杵
何物風流可相稱兔豪花

詩林韻藻卷第十

雜賦

五

淪水龍團

賦得上林鷲送張兵曹

秦不華

春日陽關道鶯聲滿上林來從金谷曉
飛度玉樓陰柳嫩難分
色歌停稍辨音明朝空解語人去
落花淡

此首見雲
林子集

立仗馬

張憲

照夜玉後貌霜毛鐵鑿蹠春風金絡腦
小兩錦障泥御駕馳天
上軍封受海西日供三品料緘口不聞嘶

楊妃鞮

楊維禎

天寶年來窄袍留幾隨錦被暝香篝
月生簾影初弦夜水浸蓮
花一翫秋塵玷翠盤思亂滾香黏金
鞞憶微兜縣知賜浴華清

日花底視兒碧眼偷

題浴馬圖

郊 韶

花落春雲滿御隄晚涼試浴濯龍池五王未許爭飛鞚先賜承
恩太僕騎

戲題明皇照夜白圖

丁 宦年

天上麒麟天下稀月中幾送八姨歸君王寓目應追悔誤看乘
鸞度羽衣

內苑花

明 吳 沈

羯鼓深宮不用催東風昨夜領春來萬年枝上紅雲擁五色屏
中繡幕開芳影參差搖太液香風浩蕩繞蓬萊至尊遲日應多

詩林詔漢卷第十 雜賦

三

暇詔許羣臣舉壽杯

都門柳

吳 沈

不與人間管別離生來福地傍京師根盤鳳苑臨溝水影拂鸞
輿映羽旗萬樹屯營春細細千條夾輦雨絲絲長風更作飛花
舞吹入宮牆點御池

早朝待漏題楊諭德竹

王 璉

禁鐘纔動曉風微新竹疎疎對瑣闈不是日高簾不卷怕教空
翠溼朝衣

玄兔

曾 榮

傳聞三穴久儲精日啖玄霜異質成八竅總含蒼霧溼一身斜

躡黑雲輕行來青鎖應難覓立向瑤階却盡驚自是太平多瑞
物願隨毛穎詠干城

禁中聞鶯

章懋

禁苑花淡晝漏遲鶯聲遙在萬年枝不隨舞袖歌金縷却伴仙
韶奏玉墀長信夢回欹枕處瑣闌吟罷倚闌時東風空費如簧
舌不道明廷有鳳儀

和林緝熙題宣和殿臨韓幹馬

羅倫

夢入黃鸝紫殿陰天津空費杜鵑心宣和玉輦君休問老在西
風五國林

宮柳

石珣

詩林韶護卷第十 雜賦

三

內裏垂楊自不同萬條柔翠拂瓊宮葉含華萼樓前雨枝帶朝
元閣上風望入畫眉情正切轉來黃鳥語初工一般灞水橋頭
綠日月行人惆悵中

次克溫南宮賞魏花

儲璫

南宮花發滿朱闌對酒先判十日看彩筆舊傳才子夢青綾誰
道主人寒明妝向晚圍紅燭妙舞迴春試翠盤空艷花枝無好
句東風應笑客衰殘

縱禽 弘治改元間
縱放百禽作

沈周

秦雲越樹路悠悠鎖掣金鈴百怨休中有能言綠衣鳥還呼萬
歲一回頭

京館聞鶯

祝允明

天風吹出掖垣一
瀏亮緜山午夜笙
錯認聞門折楊柳
一時飛
夢滿江城

御苑秋砧

田汝隸

露結金屏冷
霜凄繡幕淡
奉羅出素手
乘月響清砧
高入宮雲
斷低隨閣漏
沈無言爲誰
苦永夜助蛩音

宮柳

陳沂

嫋嫋春聲裏
陰陰曉色中
縷垂金屋暗
花散玉樓空
凝露啼秦苑
因風鬪楚宮
不知行輦處
幾樹近簾櫳

放內苑諸禽

陳沂

詩韶漢卷第十

雜賦

三

多年調養在雕籠
放出初飛失舊叢
祇爲恩深不能去
朝來還繞上陽宮

朝鴉

此司徒初入掖垣託諭之作

汪玄錫

景陽鐘動曉鴉飛
漢殿千官拜玉墀
仙仗纔移東殿去
翩翩棲滿萬年枝

正陽城樓西角二鷺巢焉

皇甫汈

竝負青雲翼
來航紫閣棲
攀龍窺殿北
隨雉臥城西
顧影依霜潔
鳴籌候月迷
振雌姝可詠
聊此謝塵泥

上張燈後苑以麥燈居中吾州所產也 王士驥

江南五月初黃野老慙
勲進上方織就絲絲冰
比潔鏤成葉

葉玉分光誰高市上千金價不比宮中七寶裝
問道聖人昭儉德瑩然一盞照中央

和顧汝和玉河見白燕二首

歐大任

杏花桃葉盡芳菲
曲水春風半掩扉
玉羽乍窺池上影
霓裳如舞月中衣
畫梁多是無心繞
金屋誰同作伴飛
回首鳳笙雲路杳
雕籠爭道不如歸

曾是烏衣國裏身
玉樓瓊樹換丰神
雙飛剪出機中素
獨立妝成掌上人
月下步搖花有態
水邊飄動轍生塵
梁園詞客難成賦
洛浦相逢總未真

萬曆五年春有獻五色鸚鵡者詔入之恭賦二首

詩林詔慶卷第十

雜賦

三

沈明臣

日南遙憶隴天長
丹喙能言五色裳
玉殿雕籠新詔入
西宮愁殺雪衣孃

日御文華說五經
鳥言雖巧未曾聽
長廊上苑東風裏
寂寂無聲對畫屏

應制賦禁中柳絮

潘

日暝長楊露乍晞
樓臺無處不霏霏
纔隨漢苑春風起
忽作梁園暮雪飛
案上花生供奉筆
輝頭影落侍臣衣
不因賦質輕微甚
那得吹噓到禁闈

瑞蓮應制二首

蓮生慈寧宮奉大士盆中九華五色

潘緯

益作金龍百寶裝波心常現玉毫光新秋一朵青蓮漏三十六
宮聞妙香

瑤池浪說千年藕玉井虛傳十丈花爭似九莖開五色西天瑞
現帝王家

蚤入承天門見鴉次韻

嚴嵩

墮鴉爭入帝城飛映霧翻林颺曙暉官女乍聞驚夢起省郎紛
逐散朝歸聲傳萬井含鐘杳影落千門帶月稀還向昭陽自來
去綠窗凝望重依依

應制題扇

申時行

羣芳爛熳吐春輝雙燕差池雪羽飛玳瑁梁間寒色瑩水晶簾

詩林韻藻卷第三

雜賦

三

外曙光微輕翻玉剪穿花過試舞霓裳帶月歸一自銜思金屋
裏年年送喜傍慈闈

右杏梨
白燕

燭淚

申時行

風襲簾帷炬色寒鮫珠錯落瀉銀盤紅綃半溼金
銷玉筋殘傳蠟漢宮春厭浥絕纓楚館夜闌干須知歸隄承恩
日涓滴還將雨露看

大內蓮花

王衡

西山青落影娥池仗外芙蓉入照時薄雨未消初日暈晚風欲
語向人枝六宮香粉流紅膩三殿浮涼湛綠漪的的夜舒人不
見集靈臺畔露華知

聯句

兩儀殿賦柏梁體

絕域降附天下平

唐太宗

八表無事悅聖情

淮南王

雲披霧斂天地

長孫無忌

登封日觀禪云亭

房玄齡

太常具禮方告成

篇

十月誕辰內殿宴羣臣效柏梁體聯句

潤色鴻業寄賢才

唐中宗

叨居右弼媿鹽梅

李嶠

運籌帷幄昔時來

宗楚客

職掌圖籍溫蓬萊

劉憲

兩司謬忝謝鍾裴

崔湜

禮樂銓管効涓

鄭愔

陳師振旅清九垓

趙彥昭

欣承顧問侍天杯

李適

銜恩獻壽柏

蘇頌

黃緜青簡奉康哉

盧藏用

鯁生侍從忝王枚

李又

右掖司言

馬懷素

宗伯秩禮祀

一作

天地開

薛稷

謬司考能宸綱該

宋之問

詩韻彙卷第三

聯句

五

微臣捧日變寒灰

景陵初

遠慙班左愧遊陪

上官婕妤

景龍四年正月五日移仗蓬萊宮御大明殿會吐蕃騎

馬之戲因重為柏梁體聯句

大明御寓臨萬方

唐中宗

顧慙內政翊陶唐

皇太后

鸞鳴鳳舞向平陽

長壽公主

秦樓魯館沐恩光

安樂公主

無心為子輒求郎

太平公主

雄才七步

溫王重茂

當熊讓輦愧前芳

上官昭容

再司銓筭恩可忘

吏部侍郎崔湜

著作不

文江學海思濟航

著作郎鄭愔

萬邦考績臣所詳

考功員外郎武平一

著作不

休出中腸

著作郎閻朝隱

權豪屏跡肅嚴霜

御史大夫竇從一

鑄鼎開嶽造明

堂

將作大匠宗晉

玉醴由來獻壽觴

吐蕃舍人明悉獵

賜梨李泌與諸王聯句

先生年幾許顏色似童兒王夜抱九仙骨朝披一品衣信不食

千鍾粟唯餐兩顆梨益天生此間氣助我化無爲唐肅宗

夏日與桺公權聯句

人皆苦炎熱我愛夏日長唐文宗薰風自南來殿閣生微涼桺公權

瀑布聯句

千巖萬壑不辭勞遠看方知出處高黃藥禪師溪澗豈能留得住終

歸大海作波濤唐宣宗

南城校支聯句 并序

翰林直學士馬祖常左司都事宋本太常博士謝端丙寅大

都鄉試貢院作

詩林龍渡卷第十 聯句

天街麗奎文王都會髦弁奉璋來峩峩馬祖常佩玉坐宴宴揖庭

鴈驚立千祿虎豹變宋本解衣三褫帶束卷一如縛謝端蜂房磬折

入宋本鈴索宮懸奠潘墨翻玄江馬祖常炬蠟燒赤電謝端冥思嗒移

精宋本幽探寂凝眇刻楮非三年馬祖常穿楊真一箭微吟忽首肯

謝端急寫掇意見字誤率一注宋本稟屬各後先廟器陳古制馬祖常

舶香然甲煎潘陸蕪靜分謝端校馬遲速見駝疥落毳毛宋本牛溲

起回漩趨踰進程書馬祖常緘封遞謄繕號分梵夾字謝端畫裂蒼

史篆校讀乃上副宋本考第或當薦揀金晝披沙馬祖常角麟宵設

饌額蹙咨碌碌謝端眼嵬矜涎涎去取決一目宋本利鈍盡三戰仙

籍銀榜懸馬祖常牙門鵠袍袂數盈輻共轂謝端餘棄編過傳得雋

九族賀宋本敗績十朋喧工歌勞府主馬祖常凡授集曹掾淳母太

官具謝端牖肩庖丁剝餅疊雜酒湏宋本供張爛彩茜羣譁劇寶輿

眾樂醲飲饑里嫗嗔兒癡馬祖常室婦詈夫懦憶昨被請初宋本自

赧官居賤鳴騶紛碎易謝端曲巷隘回遭飛蓋及泮水宋本重鑰限

別院邏卒游鐸振馬祖常周垣圍棘拊攝事四列署謝端防嫌兩隔

面御史官方峻宋本主司日敢眩持衡亦榮名馬祖常束溼柰罔罟

浹旬雖獨苦謝端得士期眾美博士曲臺秀翰林金閨彥敘賦極

羅縷脩詞妙貫穿而我典簿領偶爾共筆硯補綴褐倒繡瑣碎

鑿拆線細書刻他山奇跡壯赤縣宋本

集句

詩林韶藻卷第卅

聯句

三

集古十首

宋聞人祥正

五夜漏聲催曉箭杜甫瞳瞳初日照樓臺薛逢九天閶闔開宮殿王維

玉帛朝元萬國來羅鄴

內人相續報花開王建天子遊春特地來王維夜半宴歸宮漏永李商

沸天簫鼓動瑤臺李白

繡衣灘鵝浴回塘顧安風動荷花水殿香李白坐對芳樽不知熱李順

冰肌玉骨自清涼蘇東坡

月銜蓬萊漢閣燧韋子蒼王階仙仗擁千官高適侍臣緩步歸青瑣

參辨色爭朝只尺顏杜公

羯鼓聲高眾樂停李商上林仙景似蓬真李商輕雲閣雨迎天

仗夏英公 花外風飄萬歲聲鄭

牡丹移向苑中栽花藥 借得東風一夜開李 盡日君王看不足

白居易 芳尊宜命管絃來王仁

玉壺傳箭咽銅龍李商 金殿當頭紫閣重王建 聞闔開門朝百辟

白居易 未央月曉度疎鐘顧安

帝宮三五歲春臺張說 玉漏銅壺且莫催崔浩 百辟九霄環帝座沈存

中 六龍海上駕山來王禹

東華金闕萬重開張說 何處聞燈不看來羅隱 行幸未停歌未發張中

君王又進紫霞杯王禹

朝光瑞氣滿宮樓張說 一列珠簾不下鈞羅隱 認得聖顏遙望見花藥

蘇轍雜詩第千 集句

夫 香煙欲傍袞龍浮王維

入安南以官事未了絕不作詩清明日感事因集句成

十絕奉呈貢父尚書并示世子及諸大夫篇篇見寒食

元陳 孚

拜掃歸來走鈿車一作千里宜 春下苑花 二年寒食住京華自憐慣識金

蓮燭奉使虛隨八月槎杜牧之 胡曾 杜甫

颯首扶桑銅柱標芙蓉帳暝度春宵清明寒食誰家哭折戟沈

沙鐵未銷杜甫 白居易 杜牧之

關山迢遞古交州物換星移幾度秋微雨微風寒食節夸歌銅

鼓不勝愁一作水流花謝兩無情獨上高樓望帝 京間憶金明池上路人生看得幾清明

李鄴 王勃 裴廷祿 陳羽

殘花悵望近人開一作江東行 客思悠哉 不盡長江滾滾來 寒食清明都

過了鷓鴣飛上越玉臺杜甫 李紳 杜甫 參寥子

台州地闊海冥冥 人蹋金鰲背上行 獨在異鄉為異客 無花無

酒過清明杜甫 楊疇 王維 魏野

慈母年高雀髮垂 鄉書無雁到家遲 初過寒食一百六 一日思

親十二時石介 許渾 白居易 黃山谷

昔藉梨花作寒食 孟光舉案與眉齊 越裳翡翠無消息 夜合花

開日又西蘇東坡 蘇東坡 杜甫 白居易

寒食家家出古城 滿川風雨看潮生 八千里外飄零客 起向朱

詩林詔漢卷第十 集句

櫻樹下行王建 石曼卿 白居易 張籍

一百五日寒食雨 風光別我苦吟身 尚書氣與秋天杳 同是天

涯淪落人黃山谷 賈島 杜甫 白居易

海客乘槎上紫氛 清明時節雨紛紛 虎牙銅柱皆傾側 水盡天

南不見雲李商隱 杜牧之 杜甫 李太白

春詞集句

鄭氏允端

春色沈沈鎖建章 困人天氣日初長 閑來獨立雕簷下 笑殺雙

飛燕子忙武元衡 朱淑真 王傑 王建

秋詞集句

鄭氏允端

月轉觚稜夜未央 倚牀自炷水沈香 芙蓉容小帳雲屏暗 二十五

聲秋點長

張籍

虞伯生

劉長卿

李昂

出塞曲贈林叅軍

明陳言

入幕推英選

李

論兵邁古風

杜

卷旗收敗馬

盧

鏘佩揖羣公

司空

曙

紫塞金河裏

沈佺期

天山弱水東

盧照鄰

晚風吹畫角

陳子昂

殘日

讓琯弓

許渾

廟畧占黃氣

崔

精神貫白虹

王

丈夫期報主

鄭愔看

取寶刀雄

高適

詩林韶濩卷第二十

詩林韶濩卷第二十

四



